





Colles  
Fayson  
Norme  
E  
Catho  
M  
Cie












1526

N. IV m  
16

COCLES, S.

Cancel t.p.





# ENSEIGNEMENS

DE

## PHYSIONOMIE

### ET CHIROMANCIE.

Monstrans par le regard du visage, si-  
gnes de la face & lignes de la main,  
les mœurs & complexions  
des Hommes.

Par BARTHELEMY COCLES de  
*Boulogne Docteur en Philosophie  
& Medecine.*



*B. Rig. Langrand*

A PARIS;  
Chez DENYS BECHET, rue saint  
Iacques, à l'Escu au Soleil.

M. DC. XXXVIII.



ENSEIGNEMENTS

DE

PHYSIOMIE

ET CHIRURGIE

Moustrans par le regard du visage, les  
causes de la face & lignes de la main  
les humeurs & complexion  
des hommes

PAR BARTHÉLEMY COCCEUS

Docteur en Médecine & Chirurgie

à Montpellier



CHIRURGIE

LIBRARY

1851





## *Le Prologue du Livre.*

**L**A Physionomie est vne science Royale, par laquelle les conditions des hommes sont plainement cogneuës par aucunes coniectures, car le visage est communément indice, c'est à dire démonstrateur de l'entendement & courage, tellement qu'il reuele & denuë le cœur, & sont par luy selon Aristote, les voix cogneuës des interieures pensees & cogitations, lesquelles choses sont contenuës soubz la verité Physionomique, & de cest art present Lucius Sylla, & Cesar dictateurs ont par ce iugement naturel cogneu & entendu les mœurs de leurs aduersaires, non pas vne fois seulement, lesquels estoient cachez soubz leurs fraudes & deceptions, qu'Horace appelle la fraude du Renard, & Plaute pere & parent de la splendeur Comique, est estimé auoir signifié les frians, maquereaux, & hommes tres-viciens & mauvais, estre infames par les signes infames de leurs corps, en les adoucissant par douces paroles, afin qu'il les vist mieux à son gré. En outre Iuuenal Poëte epigrammatique, s'est demonstré n'estre pas du tout ignorant en l'art de nature, quand il taxa & reprist satyriquement Zoilus, homme tres-mauuais.

## Prologue.

par les mauuaises taches & signes de son corps, parquoy tesmoignent les Philosophes Academiques & Peripatetiques, l'ame suiure l'habitude du corps, c'est à dire les signes : desquels tous, Platon le plus sçauant, escrit en sa physionomie, que l'homme qui a les membres semblables à quelque animal ou beste, il ensuit sa nature, comme celuy qui a le nez aquilin a la semblance de celuy de l'aigle, il vit selon les conditions & les mœurs d'icelle, c'est à dire qu'il est magnanime, cruel & rauissant. Ceux aussi qui ont le visage comme les chiens d'Espagne, sont ingez & estimez estre furieux, courroucez, & grands parleurs. Cet Autheur rapporte en outre l'exemple de plusieurs autres animaux, que ie laisse à cause de briuereté. Doncques la Physionomie est vne science des passions naturelles de l'ame, & des accidens du corps, changeant l'habit de l'un & de l'autre. Elle consiste doncques en deux choses : à sçauoir, en complexion & composition du corps humain, qui declarent & monstrent manifestement les choses qui sont en l'homme par dedans par les signes extérieurs, comme par la couleur, par la stature, par les mœurs des membres & figurations. Doncques en laissant la prolixité des paroles, chacun pourra voir en ce petit abregé des choses fort belles esparses çà & là, & descrites en plusieurs volumes des Anciens.

## Physionomie naturelle.

*Des signes des corps sains & malades, quans à la  
partie des quatre complexions.*



*Les signes du corps de chaude complexion.*

### CHAPITRE PREMIER.

**L**Es corps naturellement chauds, croissant tost & fort bien, ainsi qu'il appert és enfans, & sont engraissez & dessechez, & les vaines leur apparoissent en leurs lieux, & leur haleine est manifeste & tres forte. Ils ont la voix ferme, forte & grosse, & sont forts au complement charnel & appetent fort cest œuvre. Ils mangent bien & digerent, & abondent en plusieurs cheueux & en poil par leurs lieux qui sont gros en partie, & herissez, ce qui aduient de la grande chaleur du cœur, comme il appert au Lion & au Coq.



## Physionomie

*Les signes du corps de froide complexion.*

### CHAPITRE II.

**L**Es corps qui sont naturellement froids croissent fort tard, sont peu engraissez & leur paroissent manifestement les veines tres grandes, leur haleine est petite ou quasi cachee, & ont la voix à oüy subtile ou aigüe. Ils appetent tard l'accouplement charnel, & si y sont deubs, ils mangent peu & digèrent mal. Ils ont la peau blanche sans aucune couleur rouge, & sont leurs cheveux estendus & longs, soient noirs ou blancs & sont subtils. Ils craignent facilement & ont peur, & si sont debiles au labour & travail.

*Les signes du corps d'humide complexion.*

### CHAPITRE III.

**L**Es corps naturellement moites, sont de chair molle & legere. & occultes sont leurs jointures, & de petite force, parquoy ils durent peu au labour. Ils sont paoureux & fort craintifs, quasi en toutes choses. Ils dorment mal, & sont souvent enuies à luxure. Ils sont de nuez de poil, & pleurent souvent. Leur poil & leurs cheveux sont estendus & subtils: & sont de bon esprit à apprendre.

## Naturelle.

*Les signes du corps de seiche  
complexion.*

### CHAPITRE IV.



**L**Es corps naturellement secs, sont à l'attouchement fort aspres. Ils sont maigres, forts au travail & durables. Ils mangent volontairement & conuenablement, & ont les ioinctures des membres manifestes. Leur poil & cheueux sont gros, aspres & crespez.

# Physiologie

*Les signes du corps atemperé & bien sain.*

## CHAPITRE V.



**L**Es corps temperez & bien sains mangent & boient bien, & selon leur conuenance digerent & disposent. Les choses leur sont de bonne faueur, & ont faim es heures conuenables. Ils se resjouissent avec les ioyeux, & dorment bien à leurs sommes. Ils sentent estre legers & cheminent legerement. Ils suent tost & n'esternuent iamais ou tard, & sont moyennement engiaissez. Ils sont colorez en la face, chauds à l'atouchement & en eux conuenablement sont en vigueur leurs cinq sens selon la conuenance de leur aage, de leurs corps & de leurs heures.



## Naturelle.

*Les signes du corps distemperé & mal sain.*

### CHAPITRE VI.



**L** Es corps nō attrem-  
pez & mal sains, en  
toutes choses sont dis-  
temblables aux autres  
corps temperez & bien  
sains, parquoy ils man-  
gent mal & n'ont soin de  
boire, digerent mal &  
disposent, & ne sauourēt  
pas bien les odeurs &  
heures conuenables, &  
ne se resiouyssent plaine-  
ment auec les ioyeux,

mais sont quasi contristez, & demeurent en leur  
tristesse, & dorment mal, & se sentent pesans, & che-  
minent pesamment, suent tard, ou point du tout,  
baillent souuent ou esternuent, estendent les bras,  
sont pales en la face, ou l'ont trop colorée, & ont  
leurs sens en mauuaise vigueur, & ne peüent long  
temps endurer grand labeur, & oublient tost les  
choses qu'ils sçauent, crachent fort souuent, & ont  
abondance de supe: fluitez au nez, & sont gras quasi  
par tout le corps, soufflent souuent des narines, &  
leurs yeux leur pleurent.

# Physionomie

*Des cheueux.*

CHAPITRE VII.



**L** Es pleins cheueux & estédus, blancs ou blonds, s'ils sont subtils & mols, signifient l'homme naturellement craintif en son cœur, de petites forces, pacifique en compagnie, & par tout conuenant, doux & acostable.

**L** Es gros cheueux heriffez & courts, signifient l'homme naturellement fort, seur & hardy, sans repos, inquiete & vain, souvent fallacieux, conuoiteux des choses qui sont belles, & plus simple que sage, combien qu'il ait la faueur de fortune, ceux qui ont les cheueux fort crespez, signifient l'homme de dur esprit, ou de grande simplicité, ou l'un ou l'autre.

## Naturelle.



**C**eux qui ont beaucoup de cheveux sus les temples de la face & sur le front, & ausquels ledit front peut estre ingé estre velu & plein de poil, signifient l'homme estre simple, vain, luxurieux, croyant tost autrui, en mœurs & paroles rustique & de gros esprit. Ceux qui ont les cheveux fort herissiez, c'est à dire dressiez comme vn herisson, & haut esleuez en forme de perruque par leur tortuosité, signifient l'homme grandement simple, superbe & de dure capacité, leger à ire, mensonger, luxurieux, malicieux & presomptueux en mal. Et ceux qui ont les cheveux au coin & anglet du front fort dressiez & tous esleuez, ou vne partie d'iceux, & ont aussi le front chauue, signifient l'homme estre simple & malicieux en partie, avec vne sagesse ou sagacité de bonnes mœurs.

Ceux qui ont beaucoup de cheveux, c'est à dire espais par toute la teste, signifient l'homme estre

## *Physonomie.*

luxurieux & de bonne digestion, vain, de legere cruauté, paresseux en ses affaires, de mauuaise memoire, conuoiteux de beaucoup de choses & infortuné.

Ceux qui ont les cheveux rouges, signifient l'homme estre enuieux, venimeux, deceuable, orgueilleux, & tres-grand parleur, & en mal. Ceux qui ont les cheveux blonds, signifient l'homme propre à toutes choses aymant les honneurs, & hayssant la vaine gloire.

Ceux qui ont les cheveux fort noirs, signifient l'homme capable de toutes choses, & plus prompt au bien qu'au mal, en œuvre & en office studieux, secret, fidele & non bien fortuné. Les autres qui ont les cheveux quasi blancs ou iaunastres marquent l'homme estre de bonne condition & propre à toutes choses, craintif, honteux, debile, de bon esprit, de tendre capacité, & ayant dure & cruelle fortune. Ceux qui ont les cheveux moyens en quantité & en couleur, signifient l'homme conuenant, & plus tendant à bien qu'à mal, aymant la vie pacique, mundicité, & les bonnes mœurs. Et ceux qui ont les cheveux blancs & chauues au temps de leur ieunesse, denotent l'homme souuent enclin à luxure, vain, audacieux, instable & grand parleur.



## Naturelle.

*Du front.*

### CHAPITRE VIII.

**L**E front vn peu esleué en rondeur signifie que l'homme sera grandement liberal à ses amis & cogneus. Ioyeux, de bon entendement, traictable à autrui, & doué de plusieurs graces.



Celuy qui a le front plain des os & de la peau, & sans aucunes rides, signifie qu'il est facilement litigieux, vain, fallacieux, & plus simple que sage.

Celuy qui a le front trop petit de toute partie, c'est signe qu'il est simple, se courrouçant tost & de facile cruauté, conuoiteux de belles choses, courtois & affable. Qui a le front bien rond és coings & angles des temples du visage, si que quasi paroissent les os, & ne naist point de poil, signifie estre de bon esprit & clair entendement, de tres-grande au-

## Physionomie



dace, en mal magnanime, conuoiteux des choses mondaines & d'honneur. Qui a le front aguës angles des temples du chef, tellement que les os demeurent quasi dehors, cela signifie estre vain & instable, debile en toutes choses, simple & de tendre capacité. Qui a le front és temples quasi enflé en grosseur de chair, commès'il auoit les mandibules ou machoires plaines de chair, cela denote estre de grand courage, superbe & fort, se courrouçant & de gros esprit.

Qui a le front ridé & baissant au milieu, si qu'il soit quasi double en la face du nez, ou ait vne vallee & descente ou non, signifie qu'il est simple, magnanime, de grand esprit & cruelle fortune.

Qui a le front grand de toutes parts & aucunement rond & denué du poil, ou vn peu chauue, ou assez, signifie qu'il est audacieux, de bon entende-

## Naturelle.

ment, sage, magnanime, suiet à courroux ; non point bien legal, & pour autant facilement menteur & malicieux.

Quia le front long grandement, & haut en rondeur, tellement que la face vers le menton soit figurée en agu, cela denote qu'on est simple, debile, legal conuenablement, & de cruelle fortune.

*Des cilies, c'est à dire des sourcils des yeux.*

### CHAPITRE IX.



**L**Es cilies ou sourcils des yeux quand ils sont beaucoup voutez, & souuent esmeus & esleuez en haut, signifient que l'homme est orgueilleux, courageux, vain, glorieux, hardy, menassant les autres, conuoiteux des choses qui sont belles, & conuenant aux vnes & aux autres choses. Qui a les sourcils du haut en bas declinez, quand il parle à



## *Physionomie*

à autrui, ou il le regarde quasi lentement, c'est signe d'estre malicieux & deceuable, mensonger, traistre, tenant, paresseux, secret & peu parlant.

Qui a les sourcils à tard avec le poil, c'est signe d'estre simple, vain, debile, tost cruel, & en société assez conuenant. Quand les sourcils sont naturellement ployez & quasi comme crespez, ils signifient l'homme estre sans vergogne, paresseux, douteux, tenant, enuieux, & en beaucoup de choses facilement seducteur.

Quand les sourcils sont grandement courts & de couleur blanche ou blonds, ils signifient l'homme quasi à toutes choses conuenable, debile, timide & de legere créance, & à luy conuertible.

### *Des Intercilles.*

### CHAPITRE X.

**L**es intercilles, c'est à dire parties des yeux, signifient l'homme tenant, secret, sage, grandement conuoiteux de belles choses, de vaine fortune, & plus cruel que delectable. Quand les intercilles sont grandement longs, ils signifient l'homme aucunement estre de dure capacité & de subtil entendement, de grande audace, de grande fidélité & parfaite amitié.

## Naturelle.

Les signes des yeux.

CHAP. XI.



**L** Es grands yeux, c'est à dire gros & de grande apparition, signifient l'homme fort paresseux, quelquefois audacieux, enuieux, & en partie vergogneux, & en partie non secret, conuenable, tenant, vain, légèrement menteur, de grand ire, de mauuaise memoire, de gros esprit & petit entendement, & moins sage qui se repete sçauoir. Quia les yeux quasi abscons & cachez en la teste, c'est à sçauoir la dedans cauez & creux, & est de longue veuë, est signifié estre suspicieux & douteux, malicieux, de grand ire, de mœurs & conditions peruerfes, grandement memorable, audacieux, cruel, facile menteur, menassant, vicieux, luxurieux, superbe, enuieux, & grand seducteur. Qui a les yeux fort eminens & apparens par dehors, est signifié estre homme simple ou fol, peu honteux, large au-

B

## Physionomie

conuenement, facilement seruiable, de gros entendement & esprit, & tost se tournant à l'un & à l'autre. Qui a les yeux agus & bien regardans, & decline studieusement ses sourcils, est homme malicieux & grand decepteur, faulx faire, souuent menteur, enuieux, tenant, secret, mauuais, & non legal comme impiteux, ne gardant la loy.



Qui a les yeux petits & tous ronds conuenablement, est signifié estre honteux, debile, simple, tost credule aux dictz des autres, de gros esprit & tard entendement, & est aussi frequemment de cruelle fortune, à autrui liberal, & conuenablement honteux. Qui a les yeux obliques & de traners, se monstre estre deceuable, sage, tenant, enuieux, se courrouçant souuent, mensonger, & en beaucoup de choses malicieux. Et quia les yeux varians, & est vague en son regard, est dit estre mensonger, & souuent vain, simple, luxurieux, seducteur, tost



## Naturelle.

croyant à autrui, enuieux, courageux, conuoiteux  
des belles choses, & facilement conuertible à vne  
chacune chose.



Celuy qui tourne les yeux & les meut souuent  
deuant & derriere, est dict estre luxurieux, insta-  
ble, souuent mensonger, facilement faussaire, trai-  
stre, infidelle, presomptueux, & dur à croire à au-  
truy. Qui a les yeux aucunement citrins en blan-  
cheur est iugé estre simple, & souuent mensonger,  
vain, falacieux, luxurieux, souuent à autrui infidel-  
le, & conuenablement secret, abondant en ses sens,  
& est de grand fureur & ire. Qui a les yeux forts &  
grandement esmeus ou durs, ou à tard regardans,  
mais aguent toutesfois avecques la reclinacion de  
la chair des sourcils, est signifié estre homme fort  
malicieux, en beaucoup de choses vain, paresseux,  
mensonger, infidelle, enuieux & rioteux. Qui a les  
yeux quasi comme rouges, ou vicioux & tachez de  
larmes ou de sang, est demonstté estre subiect à fu-

## *Physionomie*

reur & à ire, à orgueil & à indignation, & est cruel, sans honte, infidelle, mensonger, vain, simple, de tendre capacité, seducteur & facilement piteux.

Celuy qui a les yeux fort gros, temblables quasi à ceux du bœuf, est homme simple, de tard entendement, de mauuaise memoire, & gros nourrissement. Quand les yeux sont moyens en forme de tendans à noirceur, ils signifient l'homme estre pacifique, doux, legal, & loyal, de bon esprit, de grand entendement, & conuenablement seruant à autrui.

*Des signes du nez.*

CHAP. XII.



**L**E nez qui est long & aucunement subtil, signifie l'homme estre audacieux, curieux en ses faits, plain dire, vain, tost conuertible à l'un & à l'autre, debile, & facilement croyant. Quand le nez est long & estendu, ayant la pointe du haut en bas de-

### Naturelle.

clinée, il signifie l'homme estre sage, secret, seruissable, & conuenablement à autre fidele, bon en ses affaires & supplantant.



Quand le nez est camus il signifie l'homme estre impetueux, vain, mensonger, luxurieux, debile, instable, tost croyant à autrui, & conuertible à l'un & à l'autre. Qui a le nez au milieu eleué, & se baïsse & decline à sa tommite, il est facilement mensonger, variant, luxurieux, grand parleur, & de cruelle fortune. Qui a le nez gros de toutes les parties & bien long, il est conuoiteux de toutes belles choses, simple en ses biens, en ses maux sage, bien fortuné, faines choses qu'il conuoite, secret, & moir sçauant qu'il se repute sçauoir.

Le nez grandement agu en la pointe, & moyen entre long & court, signifie l'homme gros & subtil, tost irascible, abondant en son sens, facilement rio-teux & desdaigneux, sage, debile, malicieux, sedu-



## Physionomie

Œteur, menaçant, & de bonne memoire. Le nez fort rond és extremitéz, & avec petites narines, signifie l'homme estre orgueilleux, de gros nourrissement, tost croyant, vain, large, & fidele.

Qui a le nez trop long & plus subtil à la poincte que gros, & conuenablement rond, il signifie estre hardy en parlant, bon en ses œuvres, facilement iniurieux, fallacieux, enuieux, tenant, en sa foy secret, conuoiteux du bien d'autruy, & en beaucoup de manieres, laument malicieux.

Quand le nez est retors & courbé contremont & longuet, ayant grosse poincte, il signifie l'homme estre audacieux, superbe, tenant, enuieux, conuoiteux, se courrouçant, luxurieux, mensonger, seducteur, vain, glorieux, infidele, & noisieux.



Le nez qui est au milieu fort élevé, signifie l'homme souuent mensonger, vain, instable, luxurieux,

## *Naturelle.*

toft croyant, importun, de bon esprit, de gros nourrissement, & plus simple que sage, & malicieux.

Le nez qui est de sa qualité rouge entre toute la forme & espece des autres, signifie l'homme estre auaricieux, mauuais, tenant, luxurieux, de supplantaine bonté, de gros nourrissement, & de tendre capacité.

Le nez qui est gros conuenablement de toutes parts, & dessus aucunement plain par la poincte, signifie l'homme estre pacifique, mansuet, fidele, laborieux, secret & de bon entendement.

Le nez qui a la poincte aucunement velu & a du poil & gros de toutes parts, & en la ioincture du front vn peu subtil, signifie l'homme estre de bonne condition en toutes choses, & facilement conuertible à routes choses.

Le nez qui est gros de toutes les parts, ayant les narines larges, signifie l'homme estre de gros esprit & plus simple que sage, mensonger, fallacieux, rioteux, luxurieux, enuieux, & glorieux de choses vaines.

## *Des signes de la bouche. CHAP. XIII.*

**L**A bouche qui est grande & large en la claustrure & apertion, signifie l'homme estre audacieux, sans honte, belliqueux, mensonger, grand parleur, porteur de nouuelles, grand mangeur, immonde, de gros esprit, tenant, & grandement fol. La petite bouche en l'ouurant & fermant, signifie l'homme pacifique, timide, fidele, secret, tenant,

## Physionomie

large, honteux, plein de doctrine & peu mangeant. La bouche qui sent mal en soufflant, signifie l'homme malade au foye, souuent mensonger, vain, lasciuieux, decepteur, de tendre capacité, de gros entendement, seducteur, enuieux, conuoiteux de l'autrui, & aux autres large, porteur de nouuelles, croyant, & plus simple que sage. Qui a la bouche redolente en son soufflement, il est sage en donnant & retenant, sage, secret, conuoiteux de belles choses, fidele, tost croyant, & à chacune chose conuertible.

*Des levres & de leurs signes.*

### CHAPITRE XIV.

**L**es levres de la bouche fort grosses ou vn peu reuoluës & tournees dehors, signifient l'homme plus simple que sage, tost croyant, de gros nourrissement, & à tout conuenable. Les levres conuenablement subtiles, & non pas fort torfes par dehors, signifient l'homme discret en toutes choses, secret, sage, se courtoiant souuent, & de bon esprit. Les levres qui sont bien colorées, & plus subtiles que grosses, signifient l'homme de bonne condition en toutes choses, & tost se tournant à l'vne & à l'autre, & plustost aux vertus qu'aux pechez & aux vices. Qui n'a les levres bien égales, tellement que l'vne est plus grande que l'autre, il est plus simple que sage, de gros esprit, de tard entendement & de variable fortune.



## Naturelle.

### *Des dents & leur signification.*

#### CHAPITRE XV.

**L**es dents petites & debiles, & celles qui sont claires & bien courtes, signifient l'homme estre debile, de bon esprit, de tendre capacité, doux, mansuet, legal & loyal, fidele, secret, timide, de briefue vie & à chacune chose conuenant. Qui a les dents non equipolentes en quantité & situation des mâchoïeres, tellement qu'aucunes sont estroictes, & les autres larges, les autres espaisles, est sage, de bon esprit, hardy, desdaigneux, enuieux, & facilement se conuertist à chacune choses. Qui a les dents fort longues & quasi aguës, & aucunement rares & fortes, il est enuieux, mauuais, glouton, hardy, quasi sans vergogne, mensonger, faux, infidele & soupconneux. Qui a les dents entre vertes ou brunes, ou courtes ou longues, il est plus fol que sage, de gros nourrissement, tost croyant, de trouble entendement, souuent fallacieux, mensonger, enuieux, conuoiteux du bien d'autrui, & soupconneux.

Les dents grosses & larges, ou qui declinent par dehors ou par dedans, rares ou espaisles, signifient l'homme vain, lasciuieux, de gros nourrissement, tost croyant, simple, fallacieux, mensonger, & de tendre capacité. Les dents fortes & espaisles signifient l'homme estre de longue vie, conuoiteux de belles choses, de dure capacité, de gros esprit, magnanime, de beaucoup de sës, porteur de nouuelles & tost croyant. Qui a les dents debiles, petites, rares & bien gresles, il est debile, de briefue vie, sage, de bonne capacité, tost croyant, honteux, traitable,

## *Physionomie*

mansuet & loyal. Qui a les dents espaisſes & fortes: il eſt de longue vie, luxurieux, grand mangeur, hardy, fort, diſcret, & plein de bon ſens.

### *Des ſignifications de la langue,*

#### CHAP. XVI.

**L**A langue trop legere à parler, ſignifie l'homme plus ſimple que ſage, de gros eſprit, de mauuais entendement, toſt croyant & facilement conuertible à chacunes choſes. Celuy à qui la langue balbutie en parlant, eſt grandement ſimple, vain, inſtable, plein d'ire, & à fureur & ire bien toſt conuertty, ſeruiable & debile. La groſſe & aſpre langue, ſignifie l'homme eſtre ſage, malicieux, ſeruiat, vain, deſdaigneux, ſecret, traître, porteur de nouuelles, craintif, mauuais Chreſtien, & comblé de beaucoup de choſes. Qui a la langue ſubtile, il eſt ſage, ingenieux, craintif, toſt croyant & conuertible à chacunes choſes.

### *Du ſoufflement & haleine de l'homme.*

#### CHAPITRE XVII.

**G**Rand ſoufflement & haleine, ſignifie l'homme eſtre de bon eſprit, & au contraire, duquel le deffaut eſt double: car elle procede du trop petit poulmon, ou du vice de l'eſtomach: & pourtant l'animal de grand ſoufflement & haleine, eſt doué de force, & veut bien boire.

## Naturelle.

### *Du ris & ses significations.*

#### CHAP. XVIII.

**L**E ris abonde en la bouche des fols, & en ceux qui ont la rate grande, & au contraire. Qui rit facilement de la bouche, il monstre qu'il est simple, vain, imitable, tost croyant, de gros esprit & nourrissement, seruiable & non secret. Qui rit tard & brièvement, signifie qu'il est stable, constant, tenant, sage, de clair entendement, secret, fidelle, & laborieux. La bouche qui s'esmeut durement à rire, signifie l'homme sage grandement en son sang, prudent, ingénieux, patient, tenant, studieux en son art, se courrouçant & supplantateur. Qui rit facilement, & en riant souuent touffit ou baille, ou tourne la teste, est variable, enuieux, tost croyant, & conuertible à chacune chose. La bouche qui se tort en riant & le moquant d'autrui, signifie l'homme estre arrogant, faux, tenant, se courrouçant, mensonger, & aucunement traistre,

### *Du menton, & ses significations.*

#### CHAP. XIX.

**L**E menton gros, ample & charneux, signifie l'homme estre pacifique, de meilleure capacité, de gros esprit, loyal, secret, & facilement conuertible à chacune chose. Qui a le menton aigu & plain de chair, est de bon entendement, hautain de courage, & d'assez louïable nourrissement. Qui a le menton quasi double par aucune vallée, est pacifique de gros esprit, vain, tost croyant, à autre seruiable, & grandement supplantateur, & secret en ses faits.

Qui a le menton aigu & subtil est audacieux, bel,



## *Physiologie.*

liqueux, irascible, desdaigneux, timide, debile, & aucunement seruiable. Qui a le menton courbe avec vne vallée en la ioincture des mendibules & maigre de chair comme aguëst tres-mauuais, simple, audacieux, superbe, menaçant, enuieux, tenant, fallacieux, tost irascible, traître, larron & supplantateur.

### *De la barbe & ses signes.*

#### CHAP. XX.

**L**A barbe croist en l'homme outre vingt quatre ans de iour en iour : & alors naist la cuisse outre le sexe. Il faut sçauoir que tel poil est procréé des superfluitez des viandes desquelles la fumosité surmonte iusques aux parties des mandibules, comme la fumée aux pertuis de la cheminée. Et quant elle ne trouue plus de conduits ouuerts pour plus haut monter, le poil sort en forme de cheueux, qui sont dits le poil de la barbe.

Quasi toutes femmes n'ont point de barbe és mandibules : & est à sçauoir que toutes les humeurs esquelles la barbe est engendrée és hommes s'appellent menstrué és femmes, qui leur aduient par aucun conduit, & au mouuement de l'aage de la Lune, quelque fois vne fois au mois, & autunes fois aussi deux fois : duquel l'issuë est dite flux ou superflus. Cecy aduient quand la femme n'est grosse & enceinte d'enfant, ayant ja passé douze ans, & ce menstrué ou flux luy est transmué en lait entre les mammelles. Mais il est vray que ces humeurs ainsi subtils sont chauds de nature : parquoy aucunes fois de ces flux sort le poil, & quelques fois és ioües de la

## Naturelle.

femme, & proprement enuiron la bouche où plus abonde la chaleur, & est cette femme dite barbuë. Il faut sçauoir aussi que telle femme est grandement luxurieuse pour sa chaude complexiõ, elle est donc de forte nature & virile condition. La femme dõcques bien mundée de son poil & cheueux, & mesmement enuiron la bouche, est dite selon la Physionomie estre de bonne complexion: c'est à dire timide, paoureuse, honteuse, debile, douce & obediante: & la barbuë est à l'opposite. Qui a la barbe bien en ordre & composee & espaisse de poil, est de bonne nature, & de raisonnable condition à toutes choses, & au contraire ceux qui ont la barbe mal ordonnée: comme il est clair à voir és chastrez & eunuques, lesquels après qu'ils ont perdu leurs genitoires, sont grandement transmuez de la nature des hommes en celle des femmes.

### *De la face & ses significations.*

#### CHAP. XXI.

**L**A face laquelle suë souuent par mouuement, signifie que l'homme est de chaude nature, vain, luxurieux, bien mangeant, & de gros esprit & nourrissement. Qui a la face grandement charneuse, est fort timide, decemment ioyeux, large, discret, luxurieux, de mauuaise memoire, tost croyant ce qu'il oyt, & bien loyal à autrui, d'importune volonté, enuieux en ce qu'il desire, & assez conuertible à toutes choses, & fort presomptueux. La face qui est maigre signifie l'homme estre sage, fatigable, de bon entendement, plus cruel que piteux, de

## Physiognomie

rendre capacité & desdaigneux. La face fort diminuée & ronde, signifie figuralemēt l'homme estre simple, timide, debile, de gros nourrissement, & mauuaise memoire. Qui a la face ressemblant à vn ytrongne, boit le bon vin communément, est luxurieux, vain, fort & facilement s'enyure. Qui a la face irascible, tost & facilement se courrouce, & son ire dure long temps. Qui a la face longue & maigre, est fort audacieux en faict & en parolles, simple, rioteux, superbe, iniurieux, decepteur, dur & cruel de mœurs, piteux & luxurieux. Qui a la face commune entre longue & ronde, maigre & espaisse, est propre à toutes choses: toutesfois il est plus enclin à bien qu'à mal. Qui a la face large & espaisse, il est de gros esprit, de tard entendement, hebeté en toutes choses, souuent glorieux & en vain, croyant, tout conuertible, luxurieux, vain, oublieux, faux en mal, detracteur & supplantateur. Qui a la face plaine sans tumeur & enflure, grandement esleuée, est de bonne condition a toutes choses & assez amiable, à autrui seruissable, tost croyant, non pas trop sage, assez fidelle, & plus simple que sage, & patient en paix communément, en tollerant les choses qui sont griefues par aduerse fortune. Qui a la face aucunement encluse & plus maigre qu'espaisse, il est iniurieux, enuieux, deceptif, mensonger, hardy, rioteux, laborieux, de gros esprit, vain, grandement simple & de tardif entendement. La face moyenne à chacune disposition des autres, toutesfois plus grasse que maigre, signifie l'homme vray en parolles, facile,



## Naturelle.

seruiable, communément ingenieux, sage & memorable.

La face longue, courbée & maigre aussi, signifie l'homme estre de gros esprit, quasi à tous biens, simple, de tard entendement & non loyal, & par leger occasion, malicieux.

La large face depuis le front iusques à la ioincture des machoires, & plus haute que puis apres, signifie l'homme estre simple en faisant ses affaires, & en ses paroles craintif, timide en partie & en partie audacieux, tenant, mensonger, vain, fallacieux, courageux, rioteux, debile, de gros nourrissement & mauvais esprit.

La face bien charneuse & colorée en ses parties, comme es yeux & sourcils par lesquels elle est delectable & plaisante, signifie l'homme estre generalement bien disposé aux vices & vertus.

La face qui est passe en couleur, signifie l'homme estre mal sain, grandement malicieux, traistre, menteur, orgueilleux, vain, luxurieux, tenant, enuieux, presomptueux, de gros nourrissement, non fidele & non loyal.

La face tres-bien coloree, signifie l'homme estre de louïable disposition en sa complexion, ixeux, tost croyant à autrui, seruiable, de bon entendement, & facilement à toutes choses convertible.

*Des oreilles & signification d'icelles.*

CHAP. XXII.

## Physionomie

**C**E terme *auris* appartient à l'homme, & *aurich-*  
*la* aux autres animaux, & pour les deux il signi-  
fie oreille, *unguis* aussi signifiant ongle, appartient  
à l'homme, & *ungula* aux autres bestes.

Les grandes & grosses oreilles, signifient que  
l'homme est simple, ou fol, paresseux, de gros nour-  
rissage, de mauuaise memoire & dure capacité.

Les oreilles grandement petites & subtiles, signi-  
fient le bon esprit de l'homme, entendement & sa-  
pience, qu'il est secret, pacifique, sage, timide, hon-  
neste, pur & net, tenant, honteux, vain & glorieux,  
courageux, de mauuaise memoire, & assez à autruy  
seruiable. Qui a les oreilles aucunement longues  
outre la commune forme, ou amples du trauers,  
il est signifié estre audacieux, sans vergogne, vain,  
paresseux, non sçauant, seruiable, de peu de travail  
& de grand comestion.

### *De la teste de l'homme.* CHAP. XXIII.

**L**E grand chef & bien rond de toutes ses parties  
signifie l'homme estre secret, & sage en ses affai-  
res, ingenieux, discret, de grande imagination, la-  
borieux, constant & loyal. La teste qui a la bouche  
grande avecques le col, declinant vers la terre, si-  
gnifie que l'homme est sage, tenant, pacifique, secret  
plain de son sens & constant en ses besognes.

Qui a longue teste & la face aussi & grande & de  
forme, il est fol, malicieux, ou simple grandement,  
vain & tost croyant, porteur de nouuelles & enuieux  
aussi. Qui tourne grandement la teste çà & là, est  
homme

## *Naturelle.*

homme fol simple vain, mensonger, fallacieux, prodigieux, instable, d'entendement tardif, de mauvais esprit, de tendre capacité, aucunement prodigue, & porteur de nouueilles. Qui a la teste grosse & large face, est soupçonneux, grandement courageux, desireux de voir les belles choses, sage, simple, de gros nourrissement, secret, audacieux, & n'est aussi pas bien honteux. Qui a grosse teste & n'est conuenablement beau, ayant la bouche courte & gros col, est assez sage, secret, ingenieux, stable, magnanime, fidelle, veritable, & de plusieurs traitable. Qui a petite teste, & bouche subtile & longue, est grandement debile, ne sçauant, mange peu, docile & mal fortuné.

### *De la bouche de l'homme.*

#### CHAP. XXIV.

**L**A bouche qui est blanche, ou maigre, ou espaisse, signifie l'homme vain & glorieux, craintif facilement menteur, conuenablement sage, de grand ire, & longuement desdaigneux. La bouche maigre & subtile, & en laquelle apparoissent les veines, signifie l'homme de mauuaise fortune, colere, craintif, paresseux de gros nourrissement, tost croyant, & conuertible à l'un & à l'autre.



## *Physiognomie Naturelle.*

*Du col & signification d'iceluy.*

### CHAP. XXV.

**L**E col qui est long signifie que l'homme a les pieds longuets & fort gresles , & signifie aussi l'homme estre simple, non secret, timide debile, enuieux, mensonger, decepteur, sans doctrine, & tost se conuertissant à chacune chose. Qui a le col court, est sage, tenant, fallacieux, secret, stable, discret, se courrouçant, ingenieux, de grand entendement, conuenablement fort, aimant la paix, domaine, & toutes choses à craindre.

**LA PARFAITE ET ABSOLVE**  
*raison de la Chiromancie, par André Corne ou  
Corbeau, A Iean François de Gonzague Marquis  
de Mantouë, bien meritë, salut avecques grande  
reuerence.*



'A y ordonné monstrer & exposer en  
venü, ô Seigneur & tres-orné Prince le  
liure de la Chiromancie, és ans passez &  
superieurs, à ta Hauteſſe dedié, à la priere  
& requette de pluſieurs louïables & honneſtes, &  
meſmement des amateurs de Droit, à ce faire me  
contraignans. A laquelle tres-honneſte petition,  
n'euffe nullement conſenty, ſi non que ton tres-  
ſainct & belliqueux nom Martial euſt deſſendu de  
la reprehention & morſure des obtrectateurs, com-  
me par aucun ſien ſecours & ayde de patron. adiu-  
teur autant de ceſtuy œuvre preſcript que l'Auteur  
d'iceluy: parquoy comme c'eſt choſe iuſte, qu'il ſor-  
te maintenant en commun. & en la turbédü peuple  
ſeuurement, & bien aſſearé, muny & garny de ton fort  
bouclier de deſſenſe, comme il eſt ſorty auparauant,  
remply & refait de tout genre de vertu: par lequel  
ſecours preſide, tu as comparé & acquis le double  
trophée & triomphe de la double Pallas: c'eſt à ſça-  
uoir de Mars, par tes beaux & plus que tres-beaux  
faits, noblement & pieuſement exercez, & à Dieu.

## Theorique

*LA CHIROMANCIE DE TRES-  
excellent & tres-singulier Maistre André Corue  
ou Courbeau Mirandule, A tres-illustre Iean  
François Marquis de Mantouë, bien merité, qui  
est vn œuvre ven à tard destiné de celle mesme Fa-  
culté de Chiromancie.*



O v s distinguerons selon nostre  
propos & office, l'art de la Chiro-  
mancie, recueillie de la tres-excel-  
lente escole des Maistres Philoso-  
phes, par la theorique de l'escriture  
& figures des mains, auëc leurs li-  
gnes, & cecy mettrons en diuers chapitres. Ces  
mains descrirons avec leurs montagnes & petites  
fentes, qui peuuent aduenir esdites mains, & co-  
gnoissons par icelles les diuerses significations & ef-  
fects de iuger variables Nous deuons donc premie-  
rement, que la main de l'homme est en doigts diui-  
fée: desquels premierement nous appellons le poul-  
ce de deux manieres ou iointures constant; le se-  
cond qui est de trois neuds ou iointures, nous ap-  
pellons indice ou demonstratif; le tiers est appellé  
moyen; le quart annulaire, & finablement est nom-  
mé le cinquiesme auriculaire: Mais aduise qu'à vn  
chacun doigt est vne montagne, par dessus les-  
quels tous doigts ont prins leurs noms propres du  
poulce de la variable signification d'iceux en la vie  
humaine. La montagne de Venus est celle qui a ce-  
ste figure. ♀ Celle du doigt indice ou demonstratif,  
est celle qui a le nom de Iupiter avec ceste note. ♃



## *de Chiromancie.*

Le doigt moyen obtient le nom de Saturne, & a ceste figure. *h* Le nom du Soleil est subiet ou sousmis au doigt indice avec ceste sienne figure adscripte. *o* Mercure possède le nom de l'auriculaire avecques ceste sienne figure. *z* Il faut sçauoir en ceste main estre plusieurs lignes, desquelles nous nommons la premiere la restraite ou retraite, & d'elle premierement nous parlerons, non pas à cause qu'elle soit principale en la vie humaine, mais qu'elle soit la premiere en la iointure de la main & du bras: auquel lieu sont aucunes fois deux ou trois lignes: lesquelles toutes nous appellons les lignes restraitees ou restraints, elles signifient la force de l'humaine vie, ou la fidelite, ou la longueur, ou breuité, & en quel âge soit l'homme plus heureux ou plus malheureux, & à qui, & entens ce que ie dis de la bonne santé & prosperité du corps; entens que c'est des richesses, & bon heur de fortune: c'est à sçauoir des biens d'icelle, comme sont l'abondance & pauvreté de ses richesses. Nous appellons le nom de ceste ligne estrainte ou iointure de la main, pource qu'en celle iointure est formée la main depuis celle rotundité du bras en la plaine, & y descend: & pourtant d'elle comme du premier principe, nous auons commencé, & ainsi desormais nous suiurons es plus fortes lignes parlans des principales. L'autre ligne de la vie ou du cœur, ou de la dextre main, est nommée triangle, de celle que nous declarons puis apres. La moyenne descendante prend le nom de poulce quasi iusques à la restraite & iointure d'icelle main. Mais celle qui commence à la

## Theorique

lignede la vie passant par la paulme en la percussion de la main, & s'en allant par la montagne de la teste ou du cerueau, ou par la moyenne naturelle, qui est la fenestre ligne du triangle, nous appellons celle-là mensale: laquelle commençant sous la montagne de l'auriculaire va & precede par la paulme de la main, & tend à la montagne de l'indice ou de Iupiter: aucunesfois elle monte celle montagne, & aucunesfois est coniointe avec la ligne de la teste, & quelquefois eile tombe entre le doigt indice & le moyen, & aucunesfois est estenduë de deux rameaux ou de trois, & obtient diuers rameaux & diuers significats chacun rameau, & tend aussi aucunesfois en l'espece du rameau ou de la paulme à la montagne de Iupiter. Nous auons vne autre ligne laquelle s'en va de la restraite ou jointure de la paulme de la main, & en accouant aux doigts est appelée la ligne de prosperité ou de Saturne, ceste-cy ayde & suffrague aux autres lignes, qui auroient faute de leur propre vertu, & naist quelquefois vn rameau d'icelle ligne, qui est quasi estendu par le trauers de la main, & est conioint à la moyenne naturelle, & est cela la cause qu'en la main est le triangle formé: ceste ligne outre n'apparoist plus quelquefois, & est dite le fondement ou base du triangle, elle est quelquefois allongée iusques à la moyenne ligne, & ne va plus en auant, & quelquefois elle procede iusques à la montagne de Saturne près de la jointure du doigt moyé, & quelquefois est coniointe à la ligne de la vie: au milieu de laquelle elle est aucunesfois regardée avecques deux rameaux, & quelquefois avecques

## de Chiromancie.

trois, qui tendent vers la moyenne ligne naturelle, & est quelquefois respandue & dispersée en la concavité de la main: & quand ces lignes courent ensemblement par convenable proportion, aucune latitude & largeur est delaissee, ou quelque espace entre la moyenne & la mensale, que nous appellons quadrangule, ou mensale de la main, & la fin de cet espace qui tend au dos, est dite la percussion de la main, quand elle est approchée à la montagne du doigt auriculaire, sçachez toutesfois que son nom est mué: car en ce lieu est faite autre signification de la premiere differente: car là apparoissent aucunes fentes en leur couchement, qui signifient les morsures de chiens: semblablement l'espace là contigu & prochain, qui descend outre le triangle iusques à la jointure de la main, est dit la montagne de la main: aucuns l'appellent la gresse de la main, & non pas le nom de la montagne, mais nous la nommerons la montagne de la Lune. En elle sont trouuées aucunes fentes ou fendasses, ou les lignes de la navigation, & là est la fortune de varieté es choses aquatiques, selon la bonté ou malice d'icelles lignes: & à cause que la Lune preside aux eaux, ceste montagne droitement sera à la Lune iugée: de laquelle telle est la figure. C. Il y a vn troisieme espace à cestuy prochain enclos des trois lignes: c'est à sçauoir de la moyenne, de la ligne de la vie, & de celle que nous auons nommée le fondement ou base du triangle. Cecy, c'est à sçauoir cet espace, est mis au milieu de la main, nous iugerons qu'il soit à estre nommé le triagle de Mars, & de cestuy est le signe tel. 07 Nous

## Theorique

monstrerons au commencement de cét œuvre la main contenant toutes les choses deuant dites, & declarerons plus apertement quand nous aurons commencé à disposer toutes choses separément en diuers signes, qui en la main de l'homme peuvent estre veus. Mais ie prenoteray au premier toutes les choses par esfer t, afin que plus facilement soient les lignes entendues mises en la main : desquelles nous traiterons en cinq parties, si que nous suivions l'ordre pour les doigts, & les montagnes d'icelles. & les partirons aussi en six parties, pour les lignes qui peuvent estre veues dedans la main : & à cause que lesdites lignes ont entr'elles trois plus principales, qui aucunesfois sont veues doubler, & sont d'elles separées. elles sont quelquefois continues & aucunesfois rompuës & discontinuées, comme nous regardons souuent en leurs apparitions, & vne chacune telle d'icelles, ou telle ligne est appelée leur. Toutes ces choses seront tres-clairement monstrées en cét œuvre, que nous appellons la Theorique de la Science & Art de la Chiromancie, & en diuers traittez la partirons des montagnes susdites, lignes & rameaux que nature a en elle produites & posées, nous verrons les significations qui viennent d'ns les corps humains de la diuersité des accidens ; car toutes choses viennent de la diuerse puissance & influence des corps celestes à ces choses d'embas, comme dit & afferme Ptolomeus, Ali, & Albumasar, & puis apres nous diuiserons ces traittez en plusieurs mains distribuant les lignes d'une chacune, & declarans leurs significations plus clairement.



## *de Chiromancie.*

que nous n'auons fait au proëme: mais à raison qu'il nous faut commencer aux lignes naturelles, nous parlerons premierement de celle, qui signifie en l'humain corps la puissance, & la vertu des trois principaux membres. Le cœur est le premier, qui est le principe de la vie de l'homme. Le second est le foye, qui est la cause du cœur à viuifier, car il digere les viandes, & rectifie le sang qui apporte l'aliment au cœur. Le cerueau est le tiers membre, qui donne à l'homme mouuement & entendement: nous commencerons donc en ceste sorte aux lignes predites.

La main de l'homme a esté faite de nature, comme l'instrument au corps humain, & organe des organes, comme disent tous ceux qui sont philosophans; & mesmement Aristote, son office est seruir à toutes les parties du corps de l'homme, par laquelle raison la vertu de tous les membres d'iceluy homme mortel court ensemblement en celle humaine generation, & comme i'auois dit, à cause que la complexion de tout le corps humain est en la main regardée, parquoy chacun membre a mis aucun signe en elle, grand ou petit, selon la vertu d'iceluy, & pourtant celle main est signée de diuerses lignes & petites fentes par lesquelles les Chiromâciens iugent de tous les autres accidens, qui succedent en l'humaine vie, comme des signes faits de nature au commencement d'humaine generation, à cause de la vertu donnée à la main de tous les autres membres. Aucun pourroit icy demander, pourquoy sont en la main quatre lignes principales, comme ainsi soit,

## *Theorique*

que quatre principaux membres soient seulement au gouvernement du corps & conseruation de la vie, qui sont le cœur, qui est, comme i'auois dit, le commencement & principe de nourrir & restaurer le corps, & principe aussi ensemblement de toute chaleur naturelle.

Le second est le foye, qui est pareillement le commencement de nourrir & rectifier le sang, & de restaurer tout le corps.

Le troisieme membre est le cerueau, qui baille au corps le commencement de sentir, & le mouuement à l'homme. D'iceux donc est chacun signe singulier en la main, car le cœur par sa vertu produit la ligne de la vie en la main, ou celle du cœur: & signifie celuy cœur le commencement de la vie, par laquelle nous cognoissons combien de temps doit viure l'homme, & combien & quelles maladies il aura, en semblable maniere le foye produit & fait sa ligne, elle descend comme le cœur de la descente de la main, & souuent est coniointe en son commencement avecques la ligne de la vie, mais de l'autre partie est coniointe avec la ligne de la teste, ou avecques la moyenne, & là aucunesfois defaut & cesse, mais quelquesfois elle est tendue & allongée, iusques au doigt moyen ou à sa montagne, outre passant le quadrangle, & la ligne mensale. La tierce ligne descend de la teste, & commence avec la ligne de la vie, & est aucunesfois avec elle fort coniointe & aucunesfois en est separée par le milieu de la main passant souuent, de laquelle, comme nous auons dit, est fait le triangle de Mars. Et à raison que l'estomach

## de Chiromancie.

communique avec la teste. & y a quelque connexion & asseblement, elle procede aussi de l'estomach en la ligne de ceste maniere, & est appellée capitale, ou la ligne de l'estomach.

La quatriesme venant de la vertu de tout le corps, est dite mensale, de laquelle est le commencement entre la percussion de la main, ou la montagne de Mercure, ou de l'auriculaire, laquelle nous auons dit, va & chemine avecques deux ou trois rameaux, & est aucunesfois seule, & toute nue, & aucunesfois en l'espece de la palme, mais elle est communément prochaine de l'indice, & aucunesfois est coniointe avecques la ligne du chef, & celle de la vie, & frequemment est vn espace delaisné entre ceste ligne de la teste, qui est appellée la mensé ou la table de la main ou triangle. Mais tel espace n'est pas tousiours trouué, & mesmement quand elles sont vnies avecques cette-cy, & la ligne du chef, tellement que les deux ne sont faictes qu'une seule, sçaches, que ceste espace est produit de la rate, & pourtant quand il est empesché de fentes & confus en son neud, il signifiera ioye, ris, & la santé de la rate: mais il denotera l'opposite, quand il sera trouué tortu. Aucunes autres lignes sont petites, desquelles vne chacune sœur est nommée telle ou telle, quand la ligne de la vie longue & continue, & bien colorée sera, elles presagent la vie de l'homme durer longuement avecques peu de maladies, & quand autrement sera, il faut iuger le contraire aduenir, & quand la vertu vitale sera debile, elle produit pareillement la ligne subtile & debile, & quelquesfois rompuë, mais

## *Theorique*

quand celle vertu sera forte & de bonne complexion, elle produira ladite ligne longue & large, & bien disposée en couleur. La ligne du cœur estant longue & large, denote la vertu vitale de grande vigueur & aduient à l'opposite, quand elle est menüe & brieue. Il faut que celle mesme ligne soit continuë & non discontinuë, car celle diuision procede du sang, & par sa propre cause le cœur viuifie & les autres membres, pour laquelle cause elles signifient proportion & temperance en bonnes meurs, & combien que la ligne du cœur soit grande & estpaisse de graisse, & signifie que la diuinuë vertu vitale eust esté forte au commencement, elle deffaut pourtant par procession de temps par l'intemperance du sang & des humeurs. Il faut donc auoir en la distance & propinquité deuë proportion à la ligne du foye, ou à celle de prosperité, ou qu'elle soit grandement proche ou esloignée: car si elle est esloignée trop fort, elle signifie le foye estre osté du cœur en sa nature, & n'auoir avec luy deuë conuenance, ne le sang aussi, qui est engendré du foye, ne conuiendrait pas en sa proportion au nourrissement d'iceluy cœur; & si elle estoit trop proche, elle signifie grande multitude de sang à suffoquer facilement la chaleur du cœur: & pourtant en quelque sorte que ce soit ces deux lignes doiuent estre distantes modérément, & ne faut ignorer que si elle estoit brieue, gresse & pâle, qu'elle ne iugeast la debilité de l'estomach & du foye, & le deffaut de la chaleur naturelle au foye, pourquoy le sang d'elle engendré ne fera pas bon & iuste aliment à



## *de Chiromancie.*

tout le corps. Il sera donc à conclure qu'il faudra en l'homme, qui est à estre de longue vie, que la ligne de la vie ou du cœur soit longue, & que la large soit deffailante decemment & conuenablement de la ligne du foye, & que celle ligne du foye soit de deuë quantité & de bonne couleur, & quand on trouue en la ligne de la teste vn o, ou deux oo, cela signifie la perte d'un œil de l'homme ou de deux, c'est à sçauoir qu'il perdra vn œil s'il y a vn seul o, & en perdra deux, si deux oo y sont trouuez. Chose semblable aduient en la ligne mensale, & en celle de la teste, & à raison que tard sont deux oo trouuez, & qu'en toutes mains trouuez y deussent estre, car toute pareille doit auoir son signe peculier & familier en icelle main, comme nous auons desia dit. Il faut bien sçauoir que les vertus du corps sont regies des intelligences & vertus du Ciel, & aussi de leurs influences procedantes de la premiere cause, il y a quatre vertus à l'essence de l'homme necessaires; c'est à sçauoir, la vertu vitale du cœur, la naturelle du foye, l'animale du cerueau, & la vertu de tout le corps gouuerneresse. Ceux-cy sont les principales vertus du corps, & les autres vertus d'aucuns membres, comme des yeux sont plus declinées à la beauté qu'à la necessité. Nature donc vniuerselle est munie de la grande sollicitude du Ciel à produire icelles premieres vertus & leurs signes; c'est à dire que les lignes principales sont par leur puissance produites, mais celle nature superieure n'est pas tât sollicitée des autres vertus, qui ne conferēt ne seruent à la necessité de la vie.

## Theorique

Et pource que elle ne produit pas tousiours leurs signes en la main, mais seulement quand elle veut iuger aucune chose de grand effect, soit bien ou mal, estre en ce membre, exceptez les trois membres dessusdits, pour ceste cause, en chacune main sont tousiours les quatre premieres lignes, mais les autres y sont quelques fois, & y defaillent aussi quelques fois: & quand elles y seront presentes, elles demonstreront tousiours quelque effect bon ou mauuais, parquoy ceste science est sujete à Astrologie, & nous declarerons maintenant les significations de leurs signes.

La ligne donc du cœur si elle est large & longue, & par bonne disposition proportionnée, la ligne du foye aussi qui a la teste tendre & petite, signifient l'homme longuement viure, mais toutes fois il sera fait de petit entendement. La cause de cecy a esté ja dite; car quand la ligne de la vie ou du cœur sera decemment proportionnée & bien formée, elle sera vne demonstration & indice de longue vie. Mais la ligne de la teste, qui est breue & de tendre cerueau, demontre la vertu de l'homme estre debile, parquoy il demeurera fol & de petit entendement. Quand la ligne de la teste est fourchée vers la restraite & continuë, elle signifie l'estat de l'homme estre double, & toutes fois le cœur ne se peut pas occuper en vn arrest, mais va en choses diueres, s'il tend vers la montagne de la main près de la restraite, il tournera ses pensemens à choses tres-mauuaises & sera destourné sans auoir la crainte de Dieu de la grande cupidité d'auoir & posseder, & si elle est

## *de Chiromancie.*

fourchée vers la percussion de la main, ce sera en bonne parrie, avecques la crainte de Dieu, & pour l'amour de vertu ses mœurs conuertira, & quand en elle ne sera aucune continuation c'est signe que celle ligne qui produit debilité, n'aura point de puissance en vertu.

Doncques est denotée la vertu animale du cerueau estre debile, parquoy aussi s'ensuit que l'homme sera muable par la volonté de ceste maniere à diuerses cogitations, tant bonnes que mauuaises: & quand la ligne du foye longue, large & luisante sera & colorée, elle signifiera la longue vie & bonne complexion, mais si à l'opposite, elle est brieue, tendre & colotée.

Le foye est vn membre principal de la conseruation de la vie, duquel sort le sang qui nourrit tout le corps. Si donc celle ligne qui prend son origine de luy est de bonne complexion & bien disposée, elle signifiera vne bonne disposition à la generation de tres-bon sang au foye, en quoy ce precepte est à garder, que chacun membre soit de bonne disposition, quand aussi les lignes de luy procedantes, & emanantes seront decemment deduites; car l'effect doit estre necessairement ressemblant à la cause: mais la rougeur de ceste ligne signifie le pur & clair sang, & par consequent la restauration du corps, duquel la vie procede par long temps, laquelle si elle est desiointe & debile de couleur pour la mauuaise disposition du foye, mauuais sang engendrant l'opposite elle signifiera, & pourtant elle produit la ligne imparfaite, & quand la ligne du foye est brieue &

## Theorique

discontinüe avec grand, en celle partie par laquelle elle tourne à la ligne du foye. elle notera mal de teste venant du foye. Quand elle sera en son commencement allant à la ligne de la vie, elle signifiera maladie au cœur venant du foye: quand le triangle sera bien disposé, & d'égale bonté gardera proportion és lignes, il signifiera l'homme estre de longue vie & bon, & mesmement quand les angles seront agus, disposez en belle proportion, & à l'opposite, il signifie le contraire en vie & en mœurs. Quand la longue menſe ou table sera variée de petits rameaux en l'espece de palme vers la montagne de Iupiter en ceste maniere ꝛ elle signifie l'homme non bien disposé à la santé du corps & bonté de courage, celle est vne mesme sentence avecques les lignes nommées; & descend ceste ligne de tous les membres du corps, pour laquelle cause si elle est enrichie de ces nobles notes & tâches, elle denotera la bonté de tout le corps, & le courage parfait. Mais aduise que si ladite ligne finist entre le doigt indice, & celuy du milieu, pourra signifier diuers & differens effects, d'effusion de sang ou coups de teste, ou flux de sang, ou finalement peril de mort és femmes en leur enfantement, ou effusion de sang, avecques peril de mort par la nature de ladite femme.

Quand la ligne mentale aura passé outre la main dextre sans rameaux. elle signifie: a l'homme ancien mal conseillé en ses affaires indigne, & aucunes fois delaisſé de toute esperance, & si elle est avec la ligne de la vie & de la teste coniointe, ou aussi avec la moyennue naturelle, elle signifiera grâde abondance de



## de Chiromancie.

Coléré, l'homme estre belliqueux & martial, de mauuaife cogitation; & incliné à commettre de grands meurtres: mais ie sçay bien que toute ligne qui s'en va de sa detre longueur & proportion, est faite & engendrée de chaleur superflue. Alors principalement, quand elle aura occupé les lieux à elle impropres, & quand elle aura fait lesdites transmutions elle signifiera l'homme estre belliqueux, imperieux, sera cruel & homicide, tel qu'est la nature des colériques & des combatans, & quand mesmement il sera conioint avec la ligne de la vie, blandissant de paroles, mensonger & deceuable. Il ne conuient pas ignorer, que quand la main de la ligne ne sera de decerte proportion selon les lieux naturels & disposées situations, qu'elle signifiera la debilité de chaleur naturelle. Et quand la ligne mensale s'en va de son lieu naturel, ou de ceste situation, & tend à la ligne de la teste, elle signifie defaut de chaleur au corps humain, commençant à celle teste humaine, parquoy ceux de ceste maniere sont de petit entendement & discretion, & sont tousiours detenus de fausse imagination: par laquelle ils croient très-souuent deceuoir les autres, ce qui aduient de la seicheresse du cerueau, qui descend de la chaleur & superfluité supernaturelle, & comme nous auons dit, la ligne mensale emane & decoule de la vertu de tout le corps, car tous accidens qui aduiennent au corps humain, sont prins de là, & à raison que l'homme animal, mesmement sont deux vertus; c'est à sçauoir l'irascible, par laquelle sont esuitéz les nuïsemens estranges, & la concupiscible, par laquelle

## Theorique

nous ensuiuons les choses delectables des ennemis, desquels viennent les nuifemens, qui par l'irascible partie sont entendus, parquoy la part inferieure de l'ennemy est escrite, & la superieure à la vertu intrinseque d'iceluy, par laquelle les inclinations naturelles sont prinſes. Cecy vient & emane de la rate grandement, selon la discipline de Chiromancie, mais quand la menſe de la main, qui est & giſt entre la menſale & moyenne naturelle ſera au mi lieu plus eſtroite, elle denotera l'homme eſtre chiche & auaricieux, mais la large denotera medocrité és deſpenſes, ains encor plus, elle monſtrera prodigalité, & l'homme eſt credule, & ſouuent pour trop grande credulité deceu, mais quand elle ſera moyenne, elle promettra la liberté de l'homme, & quand la menſe de la main eſt entiere, & paroist en la main la complexion de celuy corps ou de l'homme, comme elle tend en choſes diuerſes, car comme nous auons enſeigné, la ligne menſale a ſa ſignification de tout le corps.

La ligne donc du chef a la ligne miſe, demonſtre le deſaut de chaleur naturelle, mais quand elle ne pourra deuément eſlargir leſdites lignes, & ſera enſemblement l'opposite, lors que tu les trouueras trop diſtantes l'vne de l'autre, elle ſignifiera celle chaleur eſtre ſuperfluë : Mais quand elle ſera moyenne, par l'eſpace qui entre elle ſera, telles lignes diſiointes manifesteront l'attemperance de la chaleur, en quoy faut aduiſer, que tout ainſi que la trop froide complexion de ladite menſe engendre angoiſſe, denotant en l'homme beaucoup d'a-

## de Chiromancie.

Auaricé, & humaine pusillanimité : pareillement si trop grande distance estoit d'icelle menſe, elle denoteroit abondance de chaleur és humeurs, parquoy trop grande prodigalité aucune & credulité ſeroit faite en l'homme. Quand ladite menſe ſera diſpoſée auecques deuë diſtance, elle denotera en l'homme regime & frugalité, & le fera finalement liberal, temperé, conuoiteux de vertu & craignant Dieu.

Et quand la menſe de la main ſera large vers la percuffion, & en la ſuperieure partie eſtroite, elle denotera l'homme en ſon premier aage aucunement prodigue, mais auaricieux en vieilleſſe. L'opposite ſera ſi elle eſt au contraire trouuée, mais quand elle ſera au milieu eſtroite, & large és extremitez, elle ſignifiera l'homme en ſon premier aage prodigue, au moyen aage auaricieux, & finalement en vieilleſſe prodigue, mais pluſtoſt liberal, quand il eſt fait en celuy aage de bon & meur conſeil. La deſcente de la main denote le commencement de l'humaine vie, quand l'homme naiſt de petit & tendre corps, & entendement, mais procede continuellement iuſques à la mort quand l'entendement procede par l'augmentation des vertus & des mœurs, & finalement accroiſſement de toutes choſes, & eſt cela fait plus ou moins, ſelon l'influence des corps celeſtes, quant au corps & ſes membres, & quant à l'entendement ſi l'organe de l'ame eſt diſpoſé par congruë proportion & parfait. car les Cieux l'ont en petite partie, mais encor plus en nulle puiffance.

## Theorique

Nostre volonté est franche, & œuvre libéralement par son desir, & ainsi la descente de la main est commencement de vie, & la sœur est la fin, c'est à dire vieillesse. Le milieu d'icelle main entre la sœur & descente, signifie le milieu de nostre vie, & pourtant en quelle partie de la main, que les lignes deuant dites seront trouuées en celuy aage de la vie, elles signifient & démonstreront des marques de libéralité, ou de prodigalité au contraire: c'est assez de ces choses, quant à ce qui appartenait aux significations des lignes principales. Autres lignes sont non pas principales, qui n'ont pas seulement vraie signification, mais aussi d'elles ne peut estre renduë naturelle raison, comme des principales, desquelles la cure & sollicitude est plus grande, quand toutes les naturelles puissances œurent & operent à la faueur d'humaine vie, comme faites d'icelle nature des choses, car tousiours nature s'efforce de faire chacune chose tres-parfaite, parquoy elle estude grandement à chacune chose, & à mitiger & temperer les parties, qui sont trop superflues, qui aduenient en l'humaine vie, par trop grand froid ou chaleur, comme dessus a esté dit, & sera aussi déclaré es significations des mains, & de leurs lignes, comme nous verrons plus apertement, en parlant de tous signes & petites fentes, montagnes, doigts, croix, ou estoilles, & signes: finalement des choses semblables.

L'adiousteray les triangles & quadrangles, & finalement plusieurs angles formez & faits par diuerse raison. Aucunesfois sont regardez heptangles, &



## *de Chiromancie.*

aucunesfois hepangules, & aucunesfois ne sont veus aucuns, & aucunesfois ne sont trouuez les quatre lignes naturelles en la main, car quelque fois defaut à aucuns la ligne de prosperité, & à aucuns la moyenne naturelle, & aux autres la ligne mensale, aucuns ont seulement quatre doigts en la main, comme i'en ay veu à aucuns. Laquelle chose peut venir du defaut de nature, & opifice des corps celestes. Aucuns en ont six, ce que i'ay veu aussi quelquefois, & vient cela par l'abondance de la matiere qui surmonte.

Il reste maintenant à dire & parler de la Physionomie des mains & de ses faicts & actes, desquelles choses aussi nous parlerons en la figuration de la main, avecques la note subiette de l'explication.

Et premierement donc est à sçauoir, que la main qui est trop briefue, procede & vient de frigidité & tres-grasses humeurs, & celle qui est plus longue & a les doigts plus hebetez & agus, signifie l'homme estre lent, tardif & de flegmatique complexion, & quand tu verras que la femme aura les doigts longs & la main courte, c'est signe qu'elle enfante-  
ra à grand' difficulté, à cause qu'elle est estroicte en sa partie du secret de nature. Mais quand tu trouueras la palme de la main estre longue & les doigts plus longs, selon la deuë proportion d'icelle main, & qu'elle est aussi trouuée plus dure au touchement que molle, elle signifie l'homme estre enclin à beaucoup de mauuaises œuvres, estre larron mesmemēt & vicieux. Et quand la main sera creuse & ferme au toucher, & bien ioincte de ses doigts & articles, elle

## Theorique

denotera longueur de vie à l'homme, mais il sera sujet à grande malice, & si elle est mal formée & conioincte des es doigts & articles, elle denotera l'homme estre de courte vie, & accumulation de thresors & pecunes: & quand la main sera tendre, longue & de bonne proportion, selon la proportion du corps disposée & bien colorée, elle denotera l'homme estre bien arresté, de longue vie; amateur de iustice, & craignant Dieu aussi. Et quand tu trouueras la main plus briefue que la quantité de son corps ne requiert, c'est signe que l'homme est caillateur, sage, & qu'il ne peut endurer les paroles, toutesfois qu'il a les bras forts. Et quand la main sera briefue & grandement grasse, & qui a les doigts courts & gras & plus larges en la sommité, quand en la forme des petits corbeaux, c'est signe que l'homme de cete maniere est trans-graisseur, larron & espion, & plein de toute mauuaistié, & d'autant plus qu'il a les doigts larges en la sommité. Quand la palme ou paulme de la main sera longue, selon sa deuë proportion, & aura les doigts plus courts & plus larges, elle signifiera l'homme estre lent & tardif, fol & superbe, & d'autant plus tel sera si la main est plus large en la percussion.

Quand la main sera longue, grande & de conuenable proportion, elle denotera l'homme estre liberal, bon preud'homme, garny de bon conseil, d'un esprit agu & affectionné à ses amis, si la main est estenduee, & les doigts sont ensemblement formez, & si fort contigus & eux touchant, que l'air ne paroisse point à trauers, l'homme qui l'aura telle, sera curieux

## de Chiromancie.

& soucieux & si les doigts sont longs, il sera auaricieux & malin, duquel l'astuce paroistra plus en mal qu'en bien, & estimera les vertus estre vices, & les vices estre les vertus, soy affermant estre bon, combien qu'il soit cōme beste brute & cruelle. La main estendue, de laquelle sont les doigts ossus & durs à toucher & flechissans signifie l'homme estre iniuste, agu d'esprit, plus enclin au mal qu'au bien, & mesmement si la peau est farineuse. La main qui regarde l'extreme partie des doigts est signe que l'homme est enuieux, mais plustost en bonne part qu'en mauuaise, conuoiteux de vertus, soigneux en ses negoees & affaires, & si tu trouue l'homme qui frappe ses doigts ensemble quand il parle, cōme s'il ioüoit du tabourin, il sera de variable pensée & suspicion, & enucloppé de grande malice, & quand aucun baille la main pour prendre quelque chose, & que sa main luy tremble modestement, celui qui faict ainsi, cesse tost sa fureur & ire, il a bonne nature, & craint la honte, mais il est quelque peu cholere.

Quand quelque homme qui mange met la bouche à la viande & non pas la main à la bouche, il est goulü & plain de mauuaises mœurs, de mauuaise nature, discordant & desdaigneux avec les autres.

Quand tu trouueras l'homme qui tiendra le pouce entre les autres doigts enclos du poing, il sera auaricieux, & voudra viure à son droict & plaisir & en iniure.

La montagne de Venus enflée en aucun homme, c'est à dire haute en sa main, le iuge estre luxurieux, mais en musique se delecte & instrumens,

## Theorique

& est bon preud'homme pourrant, & conuerse auec les autres hommes, & quand aucun a la main trop longue & les doigts longs aussi, & quelque peu greslez, & que sa main se retourne sur le dos, & qu'elle soit molle au toucher, c'est signe de chaude humeur & que la chaleur rend l'homme industrieux en ses affaires, & conuoiteux aussi à desirer les choses qu'il ne doit faire, & est mesmement cruel. Parquoy tu dois scauoir, comme dit Iulian, que ceux qui ont ainsi les mains longues, sont semblables aux bestes & oyseaux viuans de rapine, \* car d'autant plus que les hommes ont les doigts & ongles longs, plus gresles & plus secs & maieurs, aussi d'autant plus seront ils à la racine conuenables, & seront ils plus en estime que les autres entiers les Princes & Seigneurs.

Semblablement & à ce propos nature a faict au tyran les mains longues, & aux hommes qui veulēt viure de rapines & labeurs plus qu'aux autres viuans. Il faut doncques que la raison des lignes soit en la main, car la senestre main faict ses lignes des vertus & puissances celestes, qui d'elles procedent à l'heure de la natiuité de l'enfant. Parquoy il conuient aduiser, que le plus souuent les lignes de la senestre main ne sont semblables aux lignes de la dextre, ny aussi tant parfaites à considerer; & quand tu les trouueras conformes ensemblement, cōtemple bien, car aucun effect est d'elles produit, soit de bien ou de mal, selon la bonté ou malice d'icelles. Si elles sont difformes & n'ont ensemblement leur deuë conuenance, saches que les superieures puissances des Cieux ont plus porté de faueur à cel-



## *de Chiromancie.*

le partie, en laquelle sont les lignes trouuées plus parfaites, soit en la dextre ou en la fenestre. Et ainsi que nous auons dit la fenestre les a produictes en l'heure de la conception, mais la dextre au moment de la natiuité.

Quand tu trouueras la dextre avecques les plus parfaites lignes & plus colorées, & qu'elles surmontent les lignes, qui sont en la dextre main: fais donc ton iugement des lignes, qui sont en celle mesme fenestre: car c'est signe que les vertus celestes ont plus parfaictement ouuré & operé à l'heure du sperme & seméce vitale, qu'ils n'ont fait à l'heure de la natiuité de l'enfant, & est cela quand on vse de la main fenestre deuëment comme de la dextre, c'est à dire quand on a la fenestre pour la dextre, mais aduise que quand tu trouueras la ligne mensale allant à la sommité de la montagne de Iupiter & ainsi signée, allant dis-je avec deux rameaux, & que le rameau qui tourne au doigt indice, ou demonstratif, fasse ou produise vne croix † que l'homme ainsi signé sera Religieux, ou s'il ne l'est, il aura aucune chose vtile, à cause des Religieux: & si elle produisoit vne estoille, ce seroit signe qu'un tel homme seroit de bien grand merite enuers quelque grand Prelat, & auroit telle faueur de luy que iamais il n'en pourroit estre separé, & seroit comme luy aussi puissant, tellement qu'il se iugeroit & estimeroit estre vn autre que luy.

Et quant l'autre rameau de cette mesme ligne tend au poulce, & est conioinct avec la ligne moyenne & vitale en son commencement, c'est signe que

## *Theorique de Chiromancie.*

cest homme acquerra moult de biens & richesses par son sçauoir ou esprit, & si ledit rameau faict sa conionction avecque les petites fentes, lesquelles denotent la discorde des freres & parens, & fassent vnion de cette maniere, si que tous soient veus ensemble le contraire sera à aduenir, c'est à sçauoir que l'homme tel sera aydé de ses amis & parens, & à cause d'eux acquerra force biens, & montera à quelque degré de haute dignité. Nous suffissent ces choses en general, iusques à present auoir esté dites, & maintenant nous interpreterons & donnerons l'exposition en brieu & appertement des mains, des figures, des signes, & des lignes distinctement & à plain.



## Chiromancie



Quand quatre lignes seront de semblable mesure continuées, les bras de toutes parts diuisans & bien colorées, elles signifient l'age de octante années: mais si deux petits rameaux y sont trouvez dessus faisant l'anglet agu, comme il appert icy, elles signifient l'homme deuoir succeder à aucun mort en heritage, en la vieillesse duquel elles luy promettent honneur, richesses & vie à repos, & d'autant plus qu'on trouue audit anglet estoille ou †: mais il sera finalement subiet à peu de maladies.



de Cocles.



Quand tu trouueras en la main ces deux lignes,  
les superieures larges, mais les inferieures tendies,  
ainsi qu'il appert icy, cela signifiera force & richesses  
en abondance iusques à la moitié del'aage, mais  
il sera pauvre & disetteux. En outre celuy moyen  
aage, & aura diminution de ses biens & richesses, il  
sera debilité de sa vie.

## Chiromancie



Mais si la premiere ligne est espaisse, la seconde subtile, & la tierce espaisse, & la quarte subtile, comme il appert icy, cela signifie au premier aage force & richesses, en la seconde de chacune chose diminution, en la tierce augmentation, & en la quarte diminution, & en cette maniere si les lignes sont plus espaises, & plus larges, elles signifieront grand bien, mais si elles sont tendres grand mal, chacune ligne promettra vingt ans d'aage.

de Cocles.



Quand en la restreincte, la premiere ligne est discontinuée & tortueuse, & les autres ensuiuanes sont continuës avec vn droict anglet & continué, comme icy apparoist, sera signe de la non debilité des choses temporelles, apres à cause des autres lignes inferieures, l'homme aussi tel prosperera mieux en la vie, mais si l'anglet n'y est trouué, il signifiera debilité de la vie & des choses temporelles & sera tel laborieux, sans honneur, de petit esprit & plein de vices & pechez.

## Chiromancie



Si quatre lignes sont trouuées en la restraincte, ainsi qu'il appert icy, cela signifie l'aage de octante années, & en la premiere & seconde pauureté, & de bilité des forces naturelles, mais outre l'aage moyé, il denotera accroissement de biens & de force.



de Cocles.



Quand tu trouueras cette droicte ligne, & par bonne disposition bien proportionnée, elle signifie la vie de repos & force del'entendement & courage, l'homme estre bon tant qu'il viura & en honneur sera estimé, tel aura la vie à repos: mais elle ne durera pas tousiours, sinon qu'il soit aydé par aduenture des quatre lignes naturelles: mais le triangle de Mars seroit de si grand force qu'il luy donneroit vie plus longue:

E

## Chiromancie



Si les lignes de cette maniere sont trouuées es-  
parées & espanduës par la restraincte, ne se touchant  
point l'une l'autre : mais allans diuersement, elles  
signifient l'homme estre de grand esprit, & enclin  
à de mauuaises pensées, & s'il faisoit ce qu'il pense  
en son courage, il encourroit tres-mauuais sort, &  
mespriseroit son pere & luy seroit desobeissant.



Quand tu trouueras cette ligne de prosperité, elle  
signifiera l'homme paruenir heureusement iusques  
à la vieillesse, si elle est droite & bien colorée: & si  
c'est à l'opposite elle signifiera aussi l'opposite, &  
qu'il sera menteur de nouuelles sciences, liberal à  
bastir les edifices, & és autres choses auaricieux, &  
grandement propre à faire les iardins.

## Chiromancie



Quand tu trouueras monter la ligne de prosperité iusques à la moitié de la main, elle signifiera l'homme estre bon, faisant de iour en iour ses affaires heureusement iusques à la mort, estre amateur de vertu & de grand esprit : mais aduise que ladicte ligne doibt estre droicte & continuée, car si elle est tortuë, comme il appert au lieu suiuant, elle signifiera le contraire.





Quand tu trouueras en la main deux lignes de  
cette maniere, qui aillent iusques au milieu, com-  
me ainsi appert, elle signifie l'homme conuerſer  
ſouuent en ſon gain & pratique: mais il ſera de  
mauuais eſprit, & infortuné, & fort ſoigneux en ſes  
affaires.

## Chiromancie.



Quand les deux devant dictes lignes seront en la main ainsi qu'il appert icy, elles signifient les chemins honorables: mais l'homme qui l'a ainsi sera amateur des pelerinages: auquel seront donnez les honorables magistrats & gain & pratique, s'il veut demeurer & habiter en ces lieux où il peregrinera.

*de Cocles.*



La pareille de cette-cy, signifie l'homme grand  
parleur, presomptueux avec petit gain, seruiteur,  
allant loin de son pays : mais grandement subject à  
seruitude.

## Chiromancie



La main qui a ces signes que tu voids de cette maniere, signifie le pelerin & vagabond, & habitant de diuerses regions & pauvre.



de Cocles.



Dautant plus que sera la distance de son pays,  
dautant plus il en sera separé. Et pour cette cause,  
il ne mourra pas en sa terre.

## Chiromancie



¶ Quand cette petite ligne sera gisante sur la ligne de la vie, ainsi qu'il appert en ce lieu, elle iugera l'homme estre de meschante nature.

¶ Quand tu trouueras ces petites lignes au fonds de la main, comme il appert icy, elles signifieront autant de bonnes peregrinations pour son gain.

*de Cocles.*



Vne telle main signifie l'homme estreignare &  
non ſcauant, de dur elprit, ou de nul, & qu'il  
mourra en ſon pays comme fol.

## Chiromancie



☞ Cette main signifie l'homme conuerſer ſouuent au gain & pratique, mais grand peril luy eſchet, c'eſt qu'il ne ſoit deſrobé de ceux eſquels il ſe fie grandement, & ſi ſera noble & de grand eſprit totalement.



de Cocles.



Quand ces lignes tortuës de cette maniere seront  
estenduës vers la montagne de la main, elles signi-  
fieront l'homme abundant en argent, mais qu'il se-  
ra emprisonné pour de l'argent qu'il n'aura pas  
rendu.

## Chiromancie



Cette main demonstre l'homme qui l'a ainsi, n'a-  
voir pas ses amis fideles, combien qu'il soit bon &  
loyal, fidele & moderé : & pourtant ne s'allie point  
avec les hommes incogneus & de douteuse societé.

*de Cocles.*



La main pareille à cette-cy, signifie l'homme estre en servitude, & qu'il sera contraint par force à navigation, & en la plus grand part de sa vie sera seruiteur.

## Chiromancie



Quand cettre ligne passera par la restraincte, tendante tortueusement en la ligne de la vie prochaine, elle signifiera maladie, & si elle est passe, elle denotera qu'elle aura passé le mal, mesmement si elle est noire au fonds, & si elle est passe, elle signifiera le mal à aduenir & futur, mais il viendra à tard, cela est à entendre, si elle est ainsi pres de la restraincte.



de Cocles.



Quand tu trouueras cette ligne naissant de la re-  
straincte, & retranchant la ligne de la vie, elle signi-  
fiera l'homme estre seruiteur, & qu'il perdra aucun  
qu'il aymera mieux que sa vie.

E

## Chiromancie



Quand cette ligne de la vie sera bien disposée par bonne proportion & de bonne couleur, & égale largeur, ainsi qu'il appert en ce lieu, elle signifiera vie longue & assurée, & que l'homme qui l'a ainsi, sera audacieux, conuoiteux d'honneur & honteux.

*de Cocles.*



par  
gale  
era  
insi,  
eux.

Quand la main sera espaisse au dessus, comme il  
appert icy, elle iugera l'homme estre de vie rurale  
& bestiale, & qu'il sera presumptueux mesmeinent  
quand la main sera dure au touchement, & noire  
en la peau.

## Chiromancie



Quand les lignes de cette maniere, ainsi qu'il ap-  
pert, seront trouuées, elles signifient la seruitude  
des Princes, mais l'homme qui l'a ainsi sera fortuné,  
pourtant que les Princes l'aymeront, & luy donne-  
ront grands dons & recompenses.





Quand la main sera vn peu espaisse au faiste d'icelle, & puis sera aupres attendrie, elle signifiera l'homme muable de conseil, & vagabond, & de dur esprit s'il n'est aydé du triangle de Mars, selon que la bonté ou malice du triangle sera.

## Chiromancie



La main de cette maniere, signifie l'homme courroucé avecques la mere, & pour cette cause effusion de sang à aduenir, mais si lesdits signes & les lignes sont passés, cela ne sortira pas son effect, mais il sera furieux, courroucé & orgueilleux.

de Cocles.



Si on trouue aucuns espaces deçà & delà en la  
moyenne ligne, elles signifient autant de meur-  
tres & homicides qu'il y en aura, & si ces espaces  
sont clos aucunement & quelque peu, elles pro-  
mettent autant de places & bleffeures estre inferees  
& baillées à diuers hommes.



La main de cette figure signifie l'homme inepte  
& dissolu, sans honte & vergogne, mais sur tout  
presomptueux & fort superbe.





La main telle signifiera l'homme estre sans grace  
auecques les gens bien moriginez, & infortuné, s'il  
n'est aydé du triangle de la mensale.

## Chiromancie



Si la main est subtile & passe, elle signifie la debilité du cerueau, & mesmement si elle est courbee en la fin, mais l'homme qui l'a telle, sera de bon conseil, & amateur de vertu.



Quand la ligne moyenne n'atrouchera point la ligne de prosperité, & est faicte plus briefue, comme en ce l'en, elle signifiera l'homme estre craintif & avaricieux, & sans raison, & qu'il sera mis en prison, & au peril de la vie exposé, & à estre batu & puny par peine des iuges, & finalement il sera en danger de perdre la teste, ou autres de ses membres.

## Chiromancie



Quand cetteligne moyenne touche la mensale,  
& sous le doigt moyen la tranche, elle signifie  
l'homme estre mauuais, & qu'il mourra ieune, quoy  
qu'il en soit par mort violente ou soudaine.



de Cocles.



Quand cette moyenne est reflexie és doigts de la main, elle signifie l'homme mauuais & imprudent: & si elle touche le doigt, elle denote l'homme estre fol & sans raison; mais audacieux & fort magnanime: toutesfois il sera enuers ses amis auarieux plustost que liberal.

## Chiromancie



Quand cette moyenne ligne rendra à la restrain-  
cte ou aupres, elle signifiera l'homme conuoiteux  
& auaricieux, & qui fera des contrats par droict  
ou ir iure, faignant iniustement sous espee de  
probité & bonté seruir aux autres pour amour &  
misericorde.

de Cocles.



Quand cette moyenne ligne passera la main, ainsi qu'il appert en cette figure, elle signifiera longue vie, pauvreté, & finalement vie laborieuse & pénible.

## Chiromancie



Quand la ligne moyenne à la menale attouche-  
ra, elle signifiera grand dommage & aduersité, &  
si elle ne faiet autres rameaux elle denotera l'hom-  
me de dur courage & qui ne considere aucun peril.



de Cocles.



Quand cette moyenne ligne sera discontinuë &  
tortueuse, comme icy appert, elle signifie peché  
& larcin.

G

## Chiromancie



Quand le fondement sera vn peu tortueux & passe, elle signifie douleur prochaine, l'homme estre fin & de grand esprit, courroucé & trompeur, & si elle est aucunement crespée, l'homme sera tardif, Aegmatique & vicieux.



Quand la main fera grasse & rouge au fonds, comme il appert en ce lieu, elle signifiera l'homme cruel & superbe, & assez courageux & enclin aux choses iniques, mais quand elle sera de parfaite couleur, elle demonstlera l'homme estre de grand conseil, subtil esprit, amy & fidele à tous, & bon Catholique.

## Chiromancie



Quand la mensure de cette main sera grasse & pas-  
se, elle signifiera la personne vile de sang & de rate,  
& de mauuais esprit : & si elle est grandement rou-  
ge, l'homme qui l'a telle sera indigné, courroucé  
& cruel, de petite raison & regime.





Quand elle sera droicte & subtile, comme cy ap-  
pert, l'homme sera d'esprit agu, noble de sang, &  
mesmement quand la percussion de la main sera  
grandement veluë sur le degré par dehors.

## Chiromancie



Si elle est comme icy appert, elle signifie la brièveté de la vie, mais grand pecheur & enorme, petite foy, sinon qu'elle soit aidée de la ligne de prospérité & de la mensale : mais toutesfois point n'aideront ces choses de l'iniquité du courage.



Si elle est rompuë ou separée au milieu, comme icy appert, elle signifie maladie aduenir en l'an vingt-cinquiesme, & à la maniere qu'elle sera vers la restraincte, aussi sera elle vers le sommet d'icelle ligne.

## Chiromancie



¶ Quand trois \*\*\* estoilles seront trouuées de-  
dans la ligne de la vie, elles signifient l'homme estre  
calomnié & vituperé à cause des femmes, mais  
quand lesdictes estoilles seront hors de ladite ligne,  
l'homme souffrira calomnie, mais il en sera deliuré  
avec bien peu de labeur.



de Cocles.



Bonne disposition est denotée & bon esprit, quand elle est longue & par bonne proportion disposée, & la bien colorée denote preud'homme & bonté, & signifie aussi la prospérité de la vie & des biens.

## Chiromancie



Si l'une desdictes + est trouuée au milieu du  
doigt moyen ou auriculaire, elle signifie l'homme  
mourir en l'espace d'un an, ou que l'homme sera  
malade iusques à la mort.

de Cocles.



Quand <sup>+</sup> elle sera deux fois fourchée, elle signifie l'homme en vieillesse estre grandement Catholique, & qu'il mourra en l'estat de grace, & qu'il aura la volonté en l'estat de religion, ou auquel ses parens & amis luy auront persuadé ce propos, & neantmoins qu'il n'ait porté l'habit de religieux, toutesfois il portera au secret de sa pensée.

## Chiromancie



Si cette ligne est tortuë, mal disposée & non continuée, elle signifie l'homme deuoir estre tué des bestes, ou que quelque grand peril de sa mort luy apparoiſtra.



de Coclers.



Si elle est large & colorée, comme icy appert, elle signifiera l'homme ioyeux & fort de courage, mais cette lieffe procedera de son gros & lourd esprit. Il sera fort de courage & conseil, mais peu soigneux.

# Chiromancie



Quand la main sera telle qu'elle appert icy, elle  
signifie un esprit stupide : mais aucunement mali-  
cieux & enclin à mal faire.

de Cocles.



Si la main est en la fin, comme icy appert, elle si-  
gnifie les playes estre inferées, & si elle est de ce  
pourtraict & signe marqué, comme tu vois, elle si-  
gnifiera le peril & danger desdictes playes.

## Chiromancie



Ces signes & st gmates . . . beaux & colorez , si-  
gnifient la bonté des bonnes mœurs , & quel l'hom-  
me qui les a en la main est fourny & enrichy de la  
vertu apprehensive mais non pas de la iudicative,  
orné de bonnes mœurs, honteux, temperé au boire  
& au manger, & en toutes ses actions.



de Cocles.



Quand tu trouueras ces deux lignes gisant sur la  
ligne de la vie, comme est icy dépeint, c'est signe  
de vie tranquille.

H

## Chiromancie



Cette main signifie l'homme estre de bonne nature & renommée, & qu'il mourra en son propre pays, craignant Dieu, bon, & doué de bonnes mœurs.



Quand cette ligne de vie sera trouuée plus espais-  
se & au plus haut fortifiée, ainsi qu'il appert en cet-  
te main, elle signifiera l'homme agu & de bon con-  
seil, vertueux & magnanime.

## Chiromancie



Quand la main sera subtile & toute fourchée au plus haut, comme il appert icy, elle signifiera l'homme ingenieux & agu, vagabond & muable en son conseil ou discours, mais fort cauteleux & desireux de voyager.





Quand cette ligne moyenne ira à la montagne de la main, comme icy appert, elle signifie l'homme audacieux & craignant Dieu, amateur de sciences, & pource quelque iour en honneur, mais fort peu riche de biens de fortune.

## Chiromancie



Quand en la main , comme icy appert , l'anglet  
sera parfait & accomply , il signifie l'homme estre  
bon , de longue vie , courageux , assure de ses amis ,  
ioyeux , fort liberal , mais si c'est à l'opposite , le con-  
traire luy aduiendra , & ce si la couleur est luyfante  
à regarder.

*de Cocles.*



Quand au commencement de la vie n'adherera point le triangle en la main, cela denotera l'homme quitter les bonnes compagnies & prendre les mauvaises, se delester avec les femmes, estre bien vestu, & finalement prodigue en toutes choses & fort ioyeux, & tel perdra aussi selon cette signification quelque partie de l'heritage paternel.

## Chiromancie



Quand la ligne de la teste tend à la mensale, com-  
me icy appert, elle signifie l'homme enclin à homi-  
cide, & au sien propre, & mal disant, & ne faudra  
point au peril de sa mort, qu'on luy machinera.



*de Cocles.*



Quand tu trouueras la mensale avec la vie, avec  
la teste & le fondement du triangle conioincte, cō-  
me cy appert, cela signifie l'homme deuoir estre  
quelque iour en grand danger, & qu'il aimera  
mieux mourir que viure.

## Chiromancie



Quand aucunes petites lignes de cette manière, sont trouuées au commencement du triangle, comme cy apparoiſt, elles ſignifient l'homme eſtre deceueur & remply de vices, d'eſprit agu, avec paroles attrayantes.

de Coctes.



Quand cette petite ligne sera trouuée passant en  
cette sorte, elle signifie l'homme mourir en prison,  
ou de mort inopinée.

## Chiromancie



Quand le triangle est petit en la main & par bonne proportion bien disposé, il signifie l'homme superbe & meschant, auaricieux, sage, leger de la langue & ne manquant d'aucunes choses, mais laborieux & viuant avec force ennuys en ses affaires, s'il n'est aydé d'autres lignes.



de Cocles.



Quand les lignes de la vie & le doigt moyen sont conioints, comme on peut voir icy, cela signifie la misere de la vie, mauvais courage, avarice, & subtilité d'esprit, à acquerir des biens iniustement, estre soucieux aussi & ne se fier à personne.

## Chiromancie



Si on trouue ces signes en la main, comme il ap-  
pert, c'est signe que l'on acquerra à cause des fem-  
mes autant d'heritages, que seront celsdicts signes  
en quantité.

de Cocles.



Si en la main, c'est à dire en sa curueure est fait  
l'angle haut, comme cy appert, cela signifie auari-  
ce & se desesperer pour ses biens, & finalement que  
l'homme est hors de toute esperance.

## Chiromancie



Quand on trouuera cette croix comme appere  
icy, cest signe que l'homme qui l'a, est discordant  
& grandement mauuais, duquel les paroles & dé-  
ractions seront cause du sang respandu.





Quand tu trouueras cest anglet vers. la restrain  
 & agu, comme cy appert, il signifiera l'homme  
 tres-bon & vertueux & fort, & doié d'un grand es-  
 prit, & d'autant plus s'il est coloré.

## Chiromancie



Si cest angle est embas obtus & mouffe, comme  
cy appert & au large respandu, il signifie mauuaife  
disposition d'un gros esprit, paresseux & grande-  
ment negligent en ses affaires & negoces.



Quand il sera agu deffoubs le doigt indice, comme cy appert, il signifie bon esprit & agu, bonne disposition, moyenne sollicitude, viertes bonne, homme de bien, & amateur de Iustice.

## Chiromancie



S'il est trouué qu'il ne touche point deffoubs, & soit spatieux, comme il appert icy, c'est signe de la malignité du courage, sans fermeté de foy & conscience.





Quand cest anglet ne touchera la haut, comme icy appert, il signifie l'homme estre impur & sale sur soy mesme, impatient, fascheux, cruel, murmurateur, debteur, parlant sans loüange, insidieux, detracteur, prodigue, audacieux & bestial, & s'il est de tres-petite condition, tousiours sera seruiteur, & s'il est franc & libre il mourra en captiuité & misere.

## Chiromancie



Quand l'anglet de la fenestre sera disposé par dec-  
cente proportion, comme cy appert, il signifie  
bonté d'entendement, & que l'homme sera estimé  
tres-bon, de longue vie & amateur de droict & de  
Justice.

de Cocles.



Mais quand l'anglet fenestre sera, comme cy ap-  
pert, il signifie que l'hōme est trompeur, malicieux  
& cauillateur, & qui volontairement se delecte és  
noises & riottes avec ses amis & autres hommes,  
l'anglet, ie dis, qui est fondement & cause de la  
moyenne ligne.

## Chiromancie



On trouue aucunes fois vne croix †, comme il ap-  
pert icy, qui signifie force de bras, superbe de cœur,  
& celuy qui sera curieux de voyager, & aduiendra  
cela quand la croix sera rouge, & si à la similitude  
de la croix sera celuy anglet, & l'homme qui l'a est  
cheualier, il croistra en son estat.



de Cocles.



Mais quand ledit signe est trouué au commencement del'anglet, comme en ce lieu, il signifie vne maladie deuoir durer vn an, plus ou moins selon que la couleur le iugera.

## Chiromancie



Quand le fondement sera ployant & flexueux, & l'angle de la vie plus haut, comme cy appert, il signifie l'homme deuoir estre pauvre & debile d'entendement, & quand il approchera de vieillesse, il sera ayde en sa disette & pauureté.



## Chiromancie



Quand les rameaux de cette maniere seront trou-  
uez en la main, comme icy appert, ils signifient la  
perte des biens paternels, ou quel l'homme sera exi-  
lé & banny, & plaidant avecques ses parens, non  
point par leur propre coulpe, tel est l'homme au-  
quel les noises & discordes deplaisent fort.





Si tu trouues trois rameaux de prosperité, qui soient conioints à la ligne de vie, & qui apres adherent avec le fondement du triangle, ils signifient l'homme estre de bon esprit, de grand courage, amateur de Iustice, & homme de bien, quand la ligne mensale sera noüée avec la ligne de la moyenne, elle signifie l'homme estre de mauvais esprit, calomniateur, homicide, & d'autant plus quand la ligne moyenne à son commencement deffoubs la ligne de la vie, comme icy appert.

## Chiromancie



Quand tu trouueras la main'entrécise & trachee,  
comme cy appert, elle signifie labours & angoisses  
avec les Princes; tellement que l'homme à telle  
main perdra vne partie de sa substance.

de Cocles.



Si tu trouue la mensale, qui préd fin entre le doigt  
moyen & l'indice, & soit tendre, elle signifie flux de  
sang, mais si elle est plus espaisse, elle signifie playes  
en la teste, & si elle est rouge en l'estomach, en la  
femme subtile, elle signifie les menstrues, & si elle  
est plus espaisse, c'est signe qu'elle mourra en trauail  
d'enfant, mais quand elle est proche du doigt moyé,  
elle signifie flux de sang de l'estomach, quand elle  
est au doigt moyen: & du sang de teste, quand elle  
sera prochaine del'indice.

## Chiromancie



Quand tu trouueras le rameau s'en allant de la mensale & venant au doigt du milieu, il signifiera angoisses & labeurs, mais si elle est floride en la fin, comme icy appert, elle signifie gain, pratique & desir de fabrication, cela ne pourra toutesfois faire l'homme de soy-mesme, s'il n'est aydé des autres, ou cela face pour autrui, & non point pour luy-mesme.





Quand deux rameaux s'en vont de la mensale  
flexueux & ployez à l'auriculaire, ils signifient l'hō-  
me conuoiteux des sciences, & fuyant tous les vices  
maistel sera pauvre, repoullé de science par la dif-  
ficulté des pecunes, si qu'il ne la pourra posseder.

## Chiromancie



Si tu trouue vne <sup>†</sup> comme icy, qui ait vne fente  
entretrenchée, elle signifie inimitié, & autant signi-  
fiera t'elle d'inimitiez qu'elle sera entretrenchée:  
mais si elle est entretrenchée, comme il appert icy,  
elle signifie l'inimitié des prochains amis.



Quand tu trouueras sur la montagne de Mercur-  
re vn semblable signe, comme tu voids icy, il signi-  
fie les amis, & s'il est entretranché des autres lignes,  
autant qu'il y aura de trancheures, autant signifiera  
il d'amis.

## Chiromancie



Quand tu trouueras vneline, qui diuise la men-  
sale, & s'en aille la main de la mensale, & aye la  
croix de la contradiction, comme icy appert, cela  
signifie mort violente, à cause de ses richesses, ou  
que l'homme sera iniustement condamné, à cause  
des biens de son pere.



de Cocles.



Si tu trouue la ligne qui s'en aille de celle de la  
vie, & diuise la mensale vers le milieu, elle signifie  
la mort miserable à l'homme qui l'a ainsi, pour ses  
pechez par aduerture.

K. iiij

## Chiromancie



Quand tu trouueras la mensale, qui ait vne ligne  
surelle, cela signifie l'homme auoir aucuns amis  
infideles & traistres, & qu'il acquerra toutes choses  
auec grand difficulté, mais qu'il aura longue vie:  
mais si cette ligne est vers le grand rameau, elle si-  
gnifie estre riche au futur: mais si vne ou deux li-  
gnes sont rameuses en espee de palme, cela signifie  
dés le commencement iusques à la fin, honneur &  
augmentation de biens, & mesmement outre le  
moyen aage.

de Cocles.



Quand tu trouueras la main qui aye vn rameau,  
s'en allant de la mensale, & tende au doigt moyen,  
cela signifie l'homme estre audacieux, magnanime  
& craignant Dieu.

## Chiromancie



Quand on trouuera sur la montagne de Mercuré aucunes fentes, comme icy appert, elles signifiēt autant d'enfans, & si aucune est plus longue que l'autre & splendissante, cela denote que celuy qui est ainsi signé, aura vn enfant qui sera tres-sage d'esprit, & qu'il surmontera son pere par fortune.



de Cocles.



Si tu trouue la mensale qui aye belles & claires pointures, par ordre succedentes, & ne sortent hors la ligne, & soient aussi colorées, elles signifient l'homme estre continent, bon & fidele, & qui craint Dieu, mais si elles sont de muée couleur & inordonnément l'opposite sera signifié.

## Chiromancie



Quand tu trouueras quelques lignes droites, qui se separent de la ligne moyenne, & tendent à la mensale sous le doigt moyen, elles signifient l'homme quasi à estre homicide, mais si la ligne est s'en allant & separant de la mensale, & tendante à la moyenne sous le doigt moyen, elle signifiera l'homme tel, à estre puny par mort & peine.

de Cocles.



Quand tu trouueras vne ligne demy circulaire,  
qui commence entre le doigt moyen & l'indice, &  
finisse entre le petit & l'anulaire, c'est à dire teluy  
ou on met l'anneau, & tranche la ligne des biens,  
elle signifie la priuation des honneurs & aduersitez,  
& mesmement des chartres & prisons.

## Chiromancie



Quand on trouue aücune petite ligne, qui sorte & naisse entre le doigt moyen & indice, & tendre vers l'indice, elle signifie l'homme compulser les autres en prison, s'il y en a deux petites en la percussion de la main, comme icy appert, elles signifient l'homme à estre mordu des bestes, & des chiens mesmément, quand les mains seront opposées à la percussion & frappure.



de Cocles.



Si tu trouue les lignes sur la montagne du petit doigt, comme icy appert, elles signifient autant de mariages qu'il y aura de lignes montans sur la montagne de la ligne, mais si elles sont circonflexées & ployées tout autour & empeschées, les mariages aussi seront empeschez, & si les lignes sont estenduës de trauers, comme il appert en l'infinie, elles signifient l'homme estre espris de l'amour d'aucune femme, & lié à cela.

## Chiromancie



Si on trouue la main entresignée, comme il appert en ce lieu de la mensale de la main, l'homme endurera de grandes angoisses iusques à vingt trois ans, & si la mensale est rameuse en la teste, comme icy appert, elle signifie l'homme deliuré de ce mal, & s'il y a des +, elles denoteront l'homme estre laborieux iusques à la mort.

de Cocles.



Quand tu trouueras en la main vn rais, comme  
cy appert, c'est signe que l'homme est mauuais, mais  
il est heureux en la bonne yssue, mais si sans rais la  
+ y est trouuée, comme cy appert, cela diminue la  
malice del'homme de cette maniere.

## Chiromancie



Quand tu trouueras des fentes s'en allant de la  
menfale, & tendantes iufques à la moyenne, com-  
me icy appert, font autant de meurtres signifiez,  
qu'il y en aura : mais fi chacune ligne font appli-  
quees, cela signifie l'homme auoir defiré le meur-  
tre, mais ne l'auoir pas fait, & fi elles font rouges,  
ledit meurtre fera prochainement fait.



de Cacles.



Quand tu trouueras la menſe de la main tortuë  
au milieu, avec cette ¶ ou autres ſignes vers la lar-  
ge percuffion d'icelle, elle ſignifie l'homme gran-  
dement auaricieux, & qui veut par fas, & par nefas  
comparer les richesses, & cela diſſimulera, ſaignant  
eſtre bon, meſmement quand la ligne moyenne ſe-  
ra bifourchée, avec deux petits rameaux, petits dis-  
ie là haut.

## Chiromancie



Quand la mensale sera plus large & spacieuse, comme icy appert, cela signifie l'homme estre liberal & à souffrir son domaine par trop grande crudelité. Quand la moyenne sera bifourchée, elle signifie l'homme estre bon & Catholique, & liberal aussi, qui craindra Dieu, & aimera Iustice.



Quand on trouue vne ligne qui naist de la ligne de vie vers la montagne de Iupiter, & fait vne<sup>†</sup> ou plusieurs, l'homme qui l'a ainsi sera à posseder honneurs & richesses, & sera claire, & d'autant plus sera tel, si on trouue vne estoille, \* & si la moyenne est bifourchée, l'homme sera dédié à religion, & s'il est Religieux il obtiendra grand dignité.

## Chiromancie



Quand tu trouueras quelques lignes droictes en l'indice, qui soient contenuës entre le premier & le second nœud, ils denotent autant qu'ils serōt trouuez, que l'homme aura autant de coups en la teste, & aussi quand la mensale sera appliquée entre le doigt indice & le moyé, & celle ne l'atouche point les coups sont aussi promis, mais ils ne seront pas mortels, mais si elle ne touche l'une & l'autre ioincture, les coups seront sur la teste ruez, mais non pas avec bâstons de fer.





Quand tu trouveras la ligne, qui naïsse entre le doigt indice & le moyen, & elle curuée tende au nœud du doigt moyen, elle signifie l'entrée propre des prisonniers, mais si elle tend en la mensale, elle ne signifiera pas la propre prison de l'homme, mais si elle est entretranchée d'une petite ligne naissante, cela empeschera l'emprisonnement: & denote aussi que l'homme sortira de la chartre.

## Chiromancie



Quand tu trouueras sur la montagne du Soleil la ligne s'en allant & separant de la mensale, qui tende à l'annulaire, cela signifie honneur, puissance & amitié à l'homme: mais si elle estoit entrecise & tranchée, comme icy appert, c'est signe que les ennemis veulent tuer celuy qui l'a ainsi signée, mais ils nuisent peu: mais si ladite ligne est entretranchée d'une ligne saillante de la mentale, l'homme sera à calomnier, & à deliurer avec grande difficulté.

de Cocles.



Autant de lignes qui seront sur la mensale, autant de maladies sont signées au premier aage, mais elles ne seront pas mortelles, & quand les lignes de cette maniere seront trouuees au contraire du doigt moyen, elles signifieront aduenir à la moyenne aage: mais quand ce sera vers le doigt indice, elles seront significatiues, que cela qui viendra au temps de la vieillesse.

## Chiromancie



Quand la ligne sera tendre en la fin de la mensa-  
le, comme icy appert, c'est signe que l'homme sera  
Seigneur des choses : & s'il est de bonne couleur &  
de bonne racine, c'est signification de biens au se-  
condaage, ou restauration des choses perduës.



de Cocles.



Quand la ligne mensale aura vn rameau vers le doigt indice, & l'autre vers le moyen, & sera moufse & obtuse, comme icy appert, elle signifie l'homme estre de fortune, & qu'il acquerra par son propre labour son bien & sa richesse.

## Chiromancie



Quand on trouue que la ligne mensale est finie  
en trois lieux, comme il appert icy, c'est signe que  
l'homme est litigieux, & si les lignes sont pasles, el-  
les minuent le significat, & si elles sont de bonne  
couleur, elles monstrent tel effet.

de Cocles.



Si tu trouue la mensale avec deux rameaux, l'un à l'indice, & l'autre au doigt du milieu, elle denote l'esprit estre agu à acquerir abondance de choses, idoine, simulateur, & d'autant plus qu'elle sera tendre en la teste, d'autant sera elle pire.

## Chiromancie



Si la mensale est trouuée, qui soit diuisee en la racine, ou pres d'icelle, & face deux rameaux, l'un au doigt indice, & l'autre au moyen, c'est signe que l'homme ne pensera à aucune chose, sera glouton, & souffrira infortune à cause des femmes, mais si elle est rompuë, ains aille droit au doigt du milieu, elle signifiera peril, & que l'homme est auaricieux, trompeur & non fidele.





Quand la mensale passera par la main, comme icy appert, l'homme sera courrouceux; cruel à son pere, & à chacun inobedient, & de peruerse volonté en son propre sang tirant à homicide, bestial, superbe, & discordant en sa femme & ses enfans, mais le rameau de la moyenne diminué toutesfois telle malice.

## Chiromancie



Quand elle sera rameuse au commencement, elle denotera au pauvre l'affluence des biens, & d'autant que les rameaux sont estendus, d'autant sera cela en vieillesse, mais s'ils ne sont estendus, cette affluence cessera.



Quand la mensale sera au commencement ram-  
meuse & obtuse ou mouffe, comme cy appert, elle  
signifiera maladie au sexe, c'est à sçauoir és genitoi-  
res & membre genital, ou en la partie postérieure  
& fondement.

## Chiromancie



Quand la ligne de la vie & la mensale sont con-  
joinctes & font vn anglet, & la moyenne n'est trou-  
uée, l'homme sera de dur courage & bestial, & luy  
sera eminent le peril de la mort, & mesmement ius-  
ques à sa trentiesme année, & aura discord avec son  
pere & la mere, ou avec sa femme, & pour cette cau-  
se ce signe menacera finalement la desesperation  
en l'homme.





Quand tu trouueras la menſe avec vne petite  
foſſe en la fin, comme icy appert, l'homme ſera des  
Religieux violateur & des enfans, & ſi endurera  
maladie aux parties genitales.

## Chiromancie



Quand la mensale sera deux fois fourchee, l'homme sera angoisseux & laborieux iusques à la quarantiesme année, & apres ces richesses seront augmentees, & cesseront ses trauaux.



Quand la ligne des biens sera entretranchée & discontinuë, & qu'aucunes fentes l'entretrancheront en cette maniere, l'homme fuyra les Seigneurs & leur seruitude, & souffrira le peril de perdre la vie, & d'autant plus quand leldites lignes sont pasles.

Quand tu trouueras aucunes fentes faillantes de la ligne auriculaire, & soient de bonne couleur, elles signifient bastures, empeschemens & infirmités es bras, & mesmement si elles sont bien colorees.

## Chiromancie



Quand tu trouueras depuis la premiere ioincture du petit doigt iusques à la seconde. quelques lignes profondes touchans l'un l'autre, c'est signe que l'homme sera autant frappé és cuisses, sinon qu'elles soient entretranchées, mais si elles ne se touchent, elles ne seront sanglantes. Quand la montagne de Mercure sera signée en cette manière, ce sera signe de grand esprit, mais tel qui aura ce signe sera de mauuais cœur, dédié aux lettres & des sciences amateur.





Quand la mensale fera deux rameaux, l'un au milieu de la montagne du doigt indice, & l'autre à celle de la vie, l'homme sera Ecclesiastique, longuement vivant, & aura de sa cléricature plusieurs biens.

## Chiromancie



Quand au milieu du doigt de la femme sera trou-  
ué vne ligne noire & profonde, entre la seconde &  
la tierce ioincture, la femme sera paillarde; mais si  
elle n'estoit noire & discontinuë, putain sera seule-  
ment de volonté & non pas d'effet: mais si elle est  
subtile, c'est signe qu'elle n'est pas encore corrom-  
pue: mais si plusieurs lignes y sont subtiles, elle se-  
ra tres-chaste: mais si elle est d'auenture paillarde,  
cela demonstrera l'auoir esté violement.

de Cocles.



Quant à l'homme ou à la femme tu trouveras entre la seconde ioincture du doigt moyen & la tierce les lignes egales, comme cy appert, autant aurôt ils d'enfans qui auront des lignes, & autant que tu trouueras de lignes en la femme depuis la premiere ioincture de la ligne annulaire iusques à la seconde, qui soient droictes & belles, autant aura elle de maris.

## Chiromancie



Quand tu trouueras autant de lignes de cette maniere en la sommité des doigts, c'est signe d'estre submergé en l'eau, & au peril de la vie, si elles sont en chacun des doigts disposées par proportion conuenantes, comme tu peux voir icy.



de Cocles.



Si tu trouue deux lignes deſſous la ioincture du  
pouce, c'eſt ſigne de grand heritage & poſſeſſion,  
mais ſi c'eſt vne ligne ſeule, c'eſt ſigne que l'herita-  
ge ſera petit, mais ſi elles ſont grandement appa-  
rentes, c'eſt ſigne d'heritage, mais ſera acquiſe avec  
noïſes.

## Chiromancie



Si tu trouue entre les ioinctures du ponce deux  
lignes esteduës & bien vnies, l'homme sera ioueur,  
mais à cause du ieu il sera en danger de mort, & par  
aduenture il gaignera à tard : mais si elles sont dis-  
ioinctes ou flexueuses & tortues, il souffrira finale-  
ment des larcens & mauuais.

de Cocles.



Si tu trouue la main qui aye deux lignes avec elle  
enjoinctes par dedans sous la derniere ioincture,  
c'est signe du danger de l'eau, mais si elles sont  
noires, c'est à dire qu'il a ja mal, & si elles sont pa-  
sles, elles signifient cela auoir esté en sa puerilité,  
ou aduenir à tard, mais si elles sont par dehors, elles  
menaceront le dommage fait par le feu.

## Chiromancie



Si tu trouue le premier article du pouce, qui aye  
vne ligne à luy adhérent par dedans de la partie du  
doigt indice, tel qui l'a ainsi sera pendu, & d'autant  
plus que ladite ligne presente descendra de la men-  
sale, comme cy appert, mais si ladite ligne estoit v-  
nie par dehors, & non par dedans, c'est signe de per-  
dre la teste, & si elle enuironne tout autour, l'hom-  
me sera pendu.



de Cocles.



Quand tu trouueras la haut en la main quelques lignes de la partie auriculaire, autant d'enfans sont signifiez qu'il y en a, & si ces lignes sont tortuës, c'est signe de morts ou incogneus.

Quand la mensale est curuée & chet entre le doigt moyen & l'indice, elle signifie effusion de sang, cōme nous auons dit ailleurs.

## Chiromancie



Quand tu trouueras le mont du ponce es lignes de cette maniere, l'homme sera luxurieux, & pour cette cause il perdra l'amour de ses patens & amis, & cherra en discorde avec ses Superieurs.

Quand tu trouueras deux lignes pres de l'ongle belles & apparentes, elles signifieront abondance de choses & amplification des biens temporels, aussi si elles sont empeschees ou enuelopees: mais si elles estoient disioinctes, passes & debiles, elles signifient la perte de l'abondance d'iceux biens, ou qu'on sera chassé de la maison, sans qu'on la puisse posseder.

de Cocles.



La montagne de Venus & enflée & haute en la  
main d'aucun, signifie luxure, mais celuy qui en  
musique se delecte & instrumens, il est bon toutes  
fois & conuerse avec les autres.

N

## Chiromancie



Quand on trouue en la main dedans la ligne de la vie vn signe, il signifiera auoir inimitié avec vn grand homme, & s'ils se touchent c'est signe que tel homme qui a inimitié avec plus grand que luy, aura quelque dommage d'iceluy.



*de Cocles.*



Si tu trouue la main qui aye vne fente ou creuasse  
avec trois petits rameaux, l'homme qui l'a ainsi se-  
ra en la haine d'aucun grand homme & puissant,  
mais cela fera cautelement dissimulant l'amitié, &  
stimulera les autres à luy nuire, mais peu luy nuira,  
& ne le craindra pas, ny ses nuisances.

## Chiromancie



¶ Quand on trouue en la main dedans la ligne de la vie vn signe, il signifiera auoir inimitié avec vn grand homme, & s'ils se touchent c'est signe que tel homme qui a inimitié avec plus grand que luy, aura quelque dommage d'iceluy.

*de Cocles.*



Si tu trouue la main qui aye vne fente ou creuasse  
auec trois petits rameaux, l'homme qui l'a ainsi se-  
ra en la haine d'aucun grand homme & puissant,  
mais cela fera cautelement dissimulant l'amitié, &  
stimulera les autres à luy nuire, mais peu luy nuira,  
& ne le craindra pas, ny ses nuisances.

## Chiromancie



Quand tu trouue deux fentes sur la ligne de la  
vie & sont colorees, c'est signe de haine avec ses  
prochains & cousins comme icy, comme sont les  
freres cousins, ou freres de la femme, ou de la mere.



de Cocles.



Si tu trouue deux lignes gifantes à la maniere que  
cy appert, c'est signe que l'homme souffrira grand  
dommage, ou sera blessé en son corps.

N<sup>o</sup> iij.

## Chiromancie



Quand tu trouueras la femme qui ay la paulme  
de la main briefue & les doigts longs , c'est signe  
qu'elle enfantera avec grande difficulté, & luy ad-  
uiendra ce cas pour auoir la fente du ventre trop  
petite,

de Cocles.



Quand tu trouueras la main vn peu longue, & soient lesdoigts vn peu espais, c'est signe que l'homme sera lent, tardif, paresseux & de flegmatique complexion, l'homme de soy pourtant est bon & tres-modeste.

N iij

## Chiromancie



Quand tu trouueras la paulme de la main longue & les doigts de louable proportion, & non molle au touchement, mais plustost dure, l'homme sera ingenieux en plusieurs maux & variables, & mesmement il sera larron & vicieux.





Si tu trouue aucun qui aye la main concaue, solide & bien ioincte des articles, c'est signe de longue vie, mais l'homme tel est moult de grande mauuaisié, & si elle n'estoit accommodément articulee, elle demonstre la briefueté de la vie.

## Chiromancie



Quand tu trouueras la main longue subtile & bien proportionnée selon la qualité du corps, & de bonne couleur, c'est signe de bonne & longue vie, & que tel est amateur de Iustice, qui ayme Dieu & le craind.

de Cocles.



Quand tu trouueras la main tres-briefue à l'habitude du corps, c'est signe que l'homme est cauilleux, sage & qu'il ne peut endurer les paroles, mais il est fort, & aux bras mesmement.

## Chiromancie



Si tu trouue quelqu'un qui ait la main à la quantité de tout le corps, & les doigts trop courts & espais & gras au fais d'iceux, c'est signe que l'homme est tranſgrefſeur, larron, infidiateur & de tout mal remply, & d'autant plus qu'il aura iceux doigts large à leur ſommité.





Quand la paulme de la main sera plus longue  
que sa propre proportion, & les doigts plus espais,  
d'autant qu'ils sont plus brieufs: c'est signe d'un hō-  
me paresseux, negligent, fol & superbe, & d'autant  
plus si la main est en la percussion plus large.

## Chiromancie



Si tu trouue quelqu'un qui aye les mains longues  
& grandes, c'est signe que l'homme qui les a telles  
est liberal, de bon astuce, de grand esprit & de bon  
conseil muni, & a ses amis finalement tres-fidele  
& acostable.



Quand tu trouueras quelqu'un ayant la main plus  
briefue qu'il ne deust, selon la proportion des autres  
parties du corps, c'est signe de grand parleur, & que  
l'homme est deuorateur & insatiable, comme glou-  
ton, & qu'il iniurie les autres, & ne veut estre repris  
d'aucun, sinon selon sa coustume.

## Chiromancie



Quand tu trouueras quelqu'un qui aura les doigts  
tournez au dos de la main, il est iniuste, subtil, inge-  
nieux & d'autant plus s'il a les doigts ossus, comme  
secs aucunement, c'est à dire durs au toucher ce qui  
sera augmenté. Quand les lignes & s'ioinctures des  
articles seront de regard de farine, & ne palliront  
point, mais seubs espeece de servir à ses prochains,  
tel sera rapineux en contractant avec iceux, & plus  
desfrobera de la plume que de la main.



*de Cocles.*



Si tu trouue aucun , à la main duquel soyent les  
doigts grandement vnīs & adherents . en sorte qu'à  
peine l'air y peult passer , comme il est monstre en  
cette presente figure, c'est signe que l'homme est cu-  
rieux & sollicité en tous les affaires , pour luy dis-je  
& non pour les autres , & si les doigts estoient plus  
longs , il sera malin & auaricieux , & aucunement  
bestial, duquel l'astuce sera plus cōuertie à mal qu'à  
bien, & tel estimant les vices estre les vertus , se ven-  
rant d'estre bon , combien qu'il soit plustost à esti-  
mer estre beste cruelle.

## Chiromancie



Quand tu trouueras aucun qui a les doigts re-  
tords au plus haut des articles & tournez en arriere  
par ordre, comme icy appert, c'est signe d'enuieux,  
mais plustost à bien qu'autrement, & qu'il ayme les  
vertus & a les vices en haine.

Su  
perts &  
loire  
estant  
milere  
grands  
istout  
misme  
font pa  
signe d

de Cocles.



Si tu trouue aucun duquel les doigts soient dispersés & plus gros és articles, & entre iceux articles soient veus auoir gresses intervalles & secs, comme estant la chair substraicte, c'est signe de paureté & misere, mais les hommes de cette maniere sont grands parleurs, & sous dernière espee d'esprit, ils souffrent paureté, & sont trop sages à eux, & mesmement cela aduient si les plis de leurs articles sont passés, mais s'ils estoient de bonne couleur, c'est signe d'homme de bien, de vertu & iustice.

## Chiromancie



Si tu trouue quelqu'un qui aye les doigts, en forte qui les frappe ensemblement, comme s'il vouloit toucher vn tabourin, c'est signe que l'homme est variable en ses pensees & suspension de courage, agu d'esprit & de grande mauuaistié,

Si  
gens  
peut  
d'emer  
ainsi  
qui l'a  
confoi





Si tu trouue quelqu'un qui en parlant avec autres gens est accoustumé à frapper des mains, & ne s'en peut abstenir, c'est signe qu'il est imparfait d'entendement, & souffrant quelque passion, & cela fait ainsi, car il opine & pense la passion de son esprit qui l'afflige n'estre point creu des autres, il est toutesfois bon homme & studieux de ses amis.

## Chiromancie



Si tu trouue aucun qui tremble des mains modestement, quand il les tend pour prendre aucune chose, c'est signe qu'il retourne legerement de son ire, & qu'il est de bõne nature, aymant les honneurs & craignant Dieu & honte, combien qu'il soit au premier mouuement cholere.



Quand on trouue l'homme lequel quand il mange ouure la bouche, & l'abaisse à la main ou à la viande qu'il tient, tel est glouton & plein de mauvaises mœurs, de mauvais esprit, discordant & no-  
teux, & se courrouçant avec les autres.

## Chiromancie



Quand tu trouueras quelqu'un lequel en chemi-  
nant tient les mains fermees, mouuant les bras,  
c'est signe qu'il est impetueux & pensant choses di-  
uerfes, sans qu'il s'oublie quelquesfois de sa pro-  
pre vie.

Qu  
gne d  
me est  
de in  
comra



de Cocles.



Quand tu trouueras quelqu'un qui ait la montagne de Venus haute & enflée, c'est signe que l'homme est luxurieux, & qui aussi se delecte en musique & instrumens mélodieux, s'il se courrouce il a ses compagnons & est aucunement prodigue.

## Chiromancie de Cocles.



Quand on trouue l'homme tenant son poulce entre les autres doigts, il est auaricieux & veut viure par fas ou nefas, c'est à dire par bien ou par mal sans raison. Quand tu trouueras l'homme qui sera coustumier à tenir les mains sur la ceinture ou derriere le dos, comme si elles estoient liees, ou sous ladite ceinture, ou deuant ou derriere, en s'espaciant & promenant, cettuy est homme de bien, & si bon qu'on n'en peut parler d'un meilleur.

## AV LECTEUR.

**I**L faut auoir la raison des lignes qui sont en la main dextre & fenestre, car la main fenestre faict ses lignes, par les vertus & puissances celestes precedentes : Parquoy tres-cher Lecteur, il faut noter & aduiser les lignes de la fenestre n'estre pas semblables à celles de la dextre, ny aussi si parfaites, ou si claires à regarder. Mais quand tu les trouueras conformes ensemblement, sçaches sans douter l'effect estre produit en bien ou en mal. Mais si elles sont dissemblables & non conformes en deuë conuenance : entends & sçaches, que les superieures puissances du Ciel, ont plus donné de faueur à cette partie, ou les lignes sont plus parfaites trouuées, soit cela en la dextre ou fenestre trou-

ue, la fenestre les produit à l'heure de  
la conception: mais la dextre au mo-  
ment de la natiuité, v. ij. fais ton iuge-  
ment par les lignes, qui sont en la fe-  
nestre main, ou si elles sont fenestres,  
faits les en la dextre, car on vse de la  
fenestre pour la dextre. Et à Dieu,


*Fin du Liure.*



e de  
mo-  
ge-  
a fe-  
tres,  
de la



riculat



To ssima  
Haverlo intero dalla vostra compie

---

Haverlo intero Alessandro

---

Marianna Alessandro

my Maria Alessandro


---

A Giulia — Alessandro

---

A Giulia





Commissio ad magistrum  
Joh. Steum. Joh. Steum.  
A. de Ma. West



22

6 5 3 5 5 9  
2 5 5  
1 0 0  
5 0  
5 0  
5 0 0

1120

1120

